





閱藏知津
 華嚴部
 方等部
 上



冊二



閱藏知津卷第一

北天目沙門




彙輯



大乘經藏 華嚴部第一

述曰華嚴一部別則剋指初成通乃該乎
凡屬顯示稱性法門不與二乘共者咸歸此部
即如入法界品是誠證也




大方廣佛華嚴經

卷八十

拱平章愛育黎首臣

唐于闐國三藏沙門實義難陀譯

世主妙嚴品第一 佛在菩提場中初成正覺一切器世間主眾生世間主正覺世間主皆悉雲集



各得解脫法門。各有上首。同時各說十頌。復於師
子座莊嚴具中。各出微塵數菩薩。亦各說頌。復興
不可思議諸供養雲。如此華藏莊嚴世界海。如是
一切法界海。亦復如是。如來現相品第二 菩
薩於供養具中。出問法頌。佛從齒間放光。照十方
各一億世界海。出頌集眾。又從眉間放光。顯示十
方。從足下入。即時有大蓮華。忽現佛前。佛毫相中
出一菩薩。名一切法勝音。并塵數眷屬。坐此蓮華。
與十方菩薩。各各說頌。普賢三昧品第三 普
賢菩薩入一切諸佛毗盧遮那如來藏身三昧。十

方諸佛。現前讚歎。與智摩頂。從三昧起。大眾獲益。
如來毛孔放光。頌讚一切菩薩。亦皆讚請。世界
成就品第四 普賢菩薩說世界海十種事。華
藏世界品第五 普賢菩薩說世界海中一切世
界種一切世界及佛名號。毗盧遮那品第六
普賢菩薩說往古大威光太子本行。已上六品。是第一會。
如來名號品第七 佛在普光明殿。以神通力。集
十色世界十智佛所。文殊等十菩薩。文殊即唱名
號差別法門。四聖諦品第八 文殊隨說四諦
名號差別。光明覺品第九 佛放兩足輪光。悉

照十方世界一切處文殊菩薩說頌。菩薩問明
品第十。文殊與覺首等九菩薩互相問答發明
法要。淨行品第十一。智首菩薩啟問文殊菩
薩答以一切事中發願法門。賢首品第十二。
文殊菩薩啟問賢首菩薩廣頌信心功德法門。已
六品是
第二會。
升須彌山頂品第十三。如來不離一切菩提樹
下。上升須彌帝釋莊嚴殿座請佛并說十頌。須
彌山頂上偈讚品第十四。法慧等十菩薩從百
刹塵數外十華世界十月佛所而來佛放兩足指

光十慧菩薩各說偈頌。十住品第十五。法慧
菩薩入無量方便三昧十方各千刹塵數同名諸
佛現前讚歎與智摩頂乃出定說十住法說已十
方各萬刹塵數世界六種震動各十刹塵數同名
菩薩來爲作證。梵行品第十六。正念天子問
法慧菩薩說觀察無相法。初發心功德品第十
七。天帝釋問法慧菩薩廣說喻以顯之十方各
萬刹塵數世界又六種震動又有萬刹塵數同名
諸佛現身讚歎。明法品第十八。精進慧菩薩
問發心菩薩云何修習法慧菩薩答以住十種不

放逸法等。已上六品。是第三會。

升夜摩天宮品第十九 如來不離一切菩提樹

及須彌頂。而升夜摩。天王化座請佛。亦說十頌。

夜摩宮中偈讚品第二十 功德林等十菩薩。從

十萬剎塵數外。十慧世界。十眼佛所而來。佛放兩

足上光。十林菩薩。各說偈頌。十行品第二十一

功德林菩薩入菩薩善思惟三昧。十方各萬剎

塵同號。諸佛現前讚歎。與智摩頂。乃起定說十行

法。說已。十方各剎塵世界震動。各十萬剎塵同名

菩薩來為作證。十無盡藏品第二十二 亦功

德林菩薩所說。已上四品。是第四會。

升兜率天宮品第二十三 如來不離一切菩提

樹。及須彌頂夜摩宮。而升兜率。天王敷座嚴飾。請

佛。亦說十頌。兜率宮中偈讚品第二十四 金

剛幢等十菩薩。從萬剎塵數外。十妙世界。十幢佛

所來集。佛放兩膝輪光。普照十方。令互相見。十幢

菩薩。各說頌讚。十回向品第二十五 金剛幢

菩薩入菩薩智光三昧。十方各十萬剎塵數同名

諸佛現前讚歎。與智摩頂。乃起定說十回向法。說

已。十方百萬剎塵數世界震動。各百萬剎塵數同

名菩薩來為作證。已上三品。是第五會。

十地品第二十六 佛在他化自在天宮。與金剛藏等不可說大菩薩俱。金剛藏菩薩入菩薩大智慧光明三昧。十方各十億刹塵數同名諸佛現前。稱歎與智摩頂。乃出定唱十地名。還復默然。解脫月菩薩二請。金剛藏菩薩二止之。解脫月第三請。在會菩薩亦同聲頌請。佛放眉間光。普照十方。十方佛亦各放眉間光。普照此會。皆於虛空中成大光明雲網臺。出頌勸說。乃唱地義。說已。十方各十億塵刹震動。各十億塵刹同名菩薩來證。此一品。是第六

會

十定品第二十七 佛在普光明殿。入刹那

際諸佛三昧。與十刹塵數菩薩俱。普眼菩薩請問普賢菩薩三昧。佛令自問普賢。時大會皆不得見普賢身座。乃至入十千阿僧祇三昧觀察。亦不能見。佛令更禮普賢。并徧十方觀察。發起大願。應可得見。大眾遵誨。普賢現身。兩十千雲。世界震動。光明徧照。佛自唱十大三昧名。勅普賢菩薩說之。
十通品第二十八 十忍品第二十九 皆普賢菩薩所說。阿僧祇品第三十 心王菩薩問。如來自答。壽量品第三十一 諸菩薩住處品第

三十二 皆心王菩薩所說。佛不思議法品第
三十三 眾會心念不思議法。佛卽加持青蓮華
藏菩薩。向蓮華藏菩薩廣說佛所住法。如來十
身相海品第三十四 普賢菩薩略說九十七種
大人之相。如來隨好光明功德品第三十五
佛告寶手菩薩。菩薩將下生時。放光照地獄眾。蒙
光生天。聞天鼓音。乃至證十地位等。普賢行品
第三十六 普賢復告大眾。極陳瞋心障道。應勤
修十法。能具十種清淨等。十方各十不可說百千
億那由他刹塵世界震動。兩種種雲。各十不可說

刹塵數同名菩薩。來爲作證。如來出現品第三
十七 佛放白毫相光。普照十方。右繞十匝。入如
來性起妙德菩薩頂。菩薩卽起。請問大法。佛復口
放光明。普照十方。右繞十匝。入普賢菩薩口。普賢
身座卽過本時百倍。甫唱法門名字。大地悉皆震
動。妙德再以頌問。普賢具演其義。於是十方各十
不可說百千億那由他刹塵數世界震動。兩種種
雲。各八十不可說百千億那由他刹塵數同名諸
佛。現前讚歎。授菩薩記。又各有十不可說百千億
那由他刹塵數同名菩薩。來爲作證。普賢復說勸

持之頌。已上十一品。是第七會。

離世間品第三十八 佛在普光明殿與十不可

說百千億那由他刹塵數菩薩俱。爾時普賢菩薩

入佛華莊嚴三昧。一切世界十八相動。從三昧起。

普慧菩薩致二百問。普賢菩薩酬二千答。十方世

界震動光照。一切諸佛現前讚喜。此一品是第八會。

入法界品第三十九 佛在給孤獨園與普賢文

殊等五百大菩薩及五百聲聞無量世主俱。心念

請法。佛乃入師子嚩申三昧。樓閣及林。忽皆廣博。

與不可說刹塵數世界量等。備極莊嚴。爾時十方

各有不可說刹塵數菩薩雲集。與供現通。諸大聲

聞。總不知見。善根異故。十方各一上首菩薩說頌

讚佛。普賢菩薩以十種法句。開發顯示。照明演說。

師子嚩申三昧。佛欲令諸菩薩安住此三昧。故復

放白毫相光。普照十方。令諸菩薩普見法界佛事。

卽以不可說刹塵三昧。入佛神變海方便門。出生

大神變莊嚴雲。文殊菩薩觀察說頌宣明。時諸菩

薩皆得塵數大悲門。不離佛所。悉於十方種種示

現。利益眾生。文殊亦出自所住處。辭佛南行。舍利

弗與六千共行弟子。承佛神力。見文殊眾會。發心

同遊人間。令海覺等六千比丘。得覲文殊。成就佛法。文殊行至福城之東。住莊嚴幢娑羅林中。大塔廟處。觀善財童子。夙因為說大法。善財即隨文殊。求菩薩道。文殊指示。令參知識。始從德雲比丘。終至普賢菩薩。此一品是第九會。

大方廣佛華嚴經入不思議解脫境界普賢行願品。四十卷。南伏戎羌。北伏戎羌。退。

唐罽賓國三藏般若譯

即前經入法界品。而普賢菩薩既為善財稱歎。如來勝功德已。復說十大願王。導歸極樂世界。今時

但取此最後一卷。續於前經八十卷後。並廣流通。然此一譯文理俱優。不讓實義難陀。而知識開示中。更為詳明。切於日用。切救末世流弊。最宜一總流通。

大方廣佛華嚴經卷六 湯坐朝問道垂

東晉天竺三藏佛陀跋陀羅等譯

僅有三十四品。文義未全。故雖先譯。不復流通。

佛說兜沙經四紙。南。北。壹。

後漢支婁迦讖譯

即如來名號品。少分。及光明覺品。少分。

佛說菩薩本業經十一紙半 南邇北壹

吳優婆塞支謙譯 卽淨行品兼十住品。

諸菩薩求佛本業經九紙半 南邇北率

西晉清信士聶道真譯 與上同本

菩薩十住行道品經七紙欠 南邇北率

西晉沙門竺法護譯 卽十住品

佛說菩薩十住經四紙欠 南邇北率

東晉沙門祇多密譯 亦卽十住品

漸備一切智德經五卷 南邇北率

西晉沙門竺法護譯 卽十地品

十住經六卷 南壹北體

鳩摩羅什共佛陀耶舍譯 亦卽十地品

等目菩薩所問三昧經三卷 南體北率

西晉竺法護譯

卽十定品。亦名普賢菩薩定意經。

顯無邊佛土功德經一紙半 壹

唐三藏法師玄奘譯

卽壽量品。是如來自說。

佛說較量一切佛刹功德經餘紙 南夙北臨

宋中印土沙門法賢譯

亦卽壽量品。是不思議光王菩薩說。

佛說如來興顯經

卷四

南體
北邈

西晉月支國沙門竺法護譯

卽如來出現品

度世品經

卷六
壹

西晉月支國沙門竺法護譯

卽離世間品。而末後有一段與如來問答。乃大

本中所無。

佛說羅摩伽經

卷四

體

乞伏秦沙門釋聖堅譯

卽入法界品。從無上勝長者。至普救眾生妙德

夜神。共十二位善知識事。而內有呪語幾則。

大方廣佛華嚴經續入法界品

八紙
欠

南邈
北壹

唐中印土沙門地婆訶羅譯

從天主光天女。至德生童子。有德童女。

普賢菩薩行願讚

四紙
半

南無
北唱

唐北天竺沙門大廣智不空譯

卽行願品中偈。後有速疾滿普賢行願陀羅尼。

文殊師利發願經

二紙
餘

南籍
北旣

東晉迦維羅衛國沙門佛陀跋陀羅譯

大略如普賢行願偈。而是五言。

大方廣如來不思議境界經

九紙餘

南邇北壹

唐于闐國沙門實義難陀譯

佛於菩提樹下成正覺時。十方諸佛現菩薩形。為觀音普賢等。無量菩薩現聲聞形。為舍利弗等。及現作比丘尼八部神等。佛入三昧。名如來不思議境界。於諸相中。現十方佛刹。於諸好中。現往昔行門。於是德藏菩薩請問普賢菩薩。此三昧何名。云何得之。普賢為說三昧名義。佛放眉間光。使有用菩薩悉見空中毛端量處。及一一微塵中。皆有

無量佛刹。皆有佛成正覺。亦見各各自身。於諸佛處。供養聞法。皆證如來不思議境界三昧。爾時德藏菩薩復問。修何福德。施戒智慧。證此三昧。普賢菩薩答云。供養三田。名福。不擇怨親善惡貧富。名施。自淨他名戒。觀佛形像。作現見想。及達唯心名智。

大方廣佛華嚴經不思議佛境界分

十紙半

南邇北壹

唐于闐三藏法師提雲般若譯

與前經同本異譯。文頗艱澀。

大方廣佛華嚴經修慈分

六紙餘

南邇北壹

唐于闐三藏提雲般若等譯

佛在鷲峰山中十方梵天來集彌勒菩薩請問佛為說慈心妙觀法門。宜急流通。

大方廣入如來智德不思議經

十二紙餘 南邇北壹

唐于闐國沙門實義難陀譯

佛住法林菩提光明宮殿與比丘及刹塵數菩薩不可說八部俱文殊菩薩興問伏一切諸蓋菩薩演說如來不思議法信者當得種種三昧及陀羅尼。

度諸佛境界智光嚴經

卷一 南邇北殷

附三秦錄

大佛華嚴入如來德智不思議境界經

卷一 南邇北邇

隋北天竺沙門闍那崛多譯

二經並與前同本先出。文筆不如。

大方廣普賢所說經

四紙 南邇北壹

唐實義難陀譯

佛在如來神力所持之處普賢大眾之所圍繞有十大菩薩各與眷屬忽集眾問普賢此諸菩薩從何國來普賢令其入定觀察竟不能知三番請問普賢示以觀察之法乃見皆在如來身中廣大國

土佛道場內來集。

信力入印法門經

卷五

南遐北邇

元魏南天竺沙門曇摩流支譯

佛在普光法殿。文殊請問清淨初地之法。佛以六十餘種五法答之。次問普賢菩薩云。何諸佛無障礙智。乃至無障礙身。普賢歎其難見難知。文殊再請。乃具答之。答已。較量功德殊勝。能滅重罪。其不信者。罪亦無量。

大方廣總持寶光明經

卷五

南竭北力

宋中印土沙門法天譯

佛在鷲峰山中。與無量大菩薩俱。普賢與佛問答法界深義。妙吉祥請問寶光明總持法門。佛令轉問普賢。因問覺與覺者二字之義。舍利弗廣歎菩薩智慧不可角敵。次有法慧菩薩入定受加。出說十住法門。與華嚴經十住品長行偈頌俱同。普賢菩薩讚歎印證。舍利弗自歎從來未聞。佛命其廣集諸天。重請妙吉祥說法。妙吉祥許已。大地震動。十方雲集。乃相與問答。令眾獲益。普賢復問如來大悲之義。復請如來說寶光明總持陀羅尼。舍利弗又與妙吉祥問答妙法。住世幾何。妙吉祥復問佛持經之福。謗

經之罪。普賢又問持經者當生何土。又問云何得此寶光明總持法。佛答以一法。謂不起煞意。又有二法。謂離於瞋恚善言誘喻。阿難又問佛聞經之處。佛又為普賢菩薩說偈。二卷有餘。偈與華嚴經賢首品大同。

大方廣圓覺修多羅了義經卷一 難

唐罽賓沙門佛陀多羅譯

婆伽婆入神通大光明藏三昧。現諸淨土。與大菩薩十萬人俱。文殊普賢等十二菩薩。次第請問因地修證法門。佛一一答之。

閱藏知津卷第一

閱藏知津卷第二

北天目沙門釋智旭 彙輯

大乘經藏 方等部第二之一

述曰。方等亦名方廣。於十二分教中。十一並通大小。此唯在大。蓋一代時教。統以二藏收之。一聲聞藏。二菩薩藏。阿含毗尼。及阿毗曇。屬聲聞藏。大乘方等。屬菩薩藏。是則始從華嚴。終大涅槃。一切菩薩法藏。皆稱方等經典。今更就大乘中。別取獨被大機者。名華嚴部。融通空有者。名般若部。開權顯實者。名法華部。垂滅談常者。名

涅槃部其餘若顯若密或對小明大或泛明諸佛菩薩因果事理行位智斷皆此方等部收非同流俗訛傳唯謂八年中所說也

大寶積經十一卷龍師火帝至始制文字

唐南印土三藏沙門菩提流志譯

○三律儀會第一三卷佛住耆闍崛山王坐大蓮華

與八千大比丘八千大菩薩五百比丘尼五百優婆塞五百優婆夷及天龍八部俱摩訶迦葉請問攝受何法修行增長成熟諸如來道取諸功德增長證入無上菩提得不退轉佛告以求佛智慧力

無畏者無有少法為其可得無所依倚種諸善根若有所得即為著想乃至備明執著過患亦明法滅天人悲歎等事後明在家菩薩種種三法

○無邊莊嚴會第二四卷無上陀羅尼品第一佛住

迦蘭陀竹林無邊莊嚴菩薩為諸菩薩請問微妙法門佛為說如來之智攝諸善巧有所宣說無不清淨隨根成熟法皆平等自性清淨如實了知而無有法了不了者以一切法皆假名說不可施設亦無示現皆真勝義不住分別亦非不住乃至如幻如夢無有高下以此清淨弘誓攝眾生時實無

少法而可著故復說法門陀羅尼句廣說陀羅尼
門理趣差別智慧善巧。出離陀羅尼品第二說
佛十力及說陀羅尼二章。清淨陀羅尼品第三。
佛先以神通力令此眾會見十方佛及聞說法次
說四無所畏及說十四呪說頌竟勸持結益然後
無量辯才菩薩請問結名。

△密迹金剛力士會第三卷

竺法護譯

佛遊靈鷲山

與四萬二千比丘八萬四千菩薩及天龍八部四
眾人等說大士業法名淨濟金剛密迹稱歎方便
智度二業當成佛道寂意菩薩請密迹敷演如來

祕要佛亦勅之密迹誠眾勿恐勿怖先說四不思
議寂意入定散華作供密迹乃說諸菩薩密引古
帝釋善自在化作仁良蟲以身肉普救國人病明
身祕密次明言密引古寂然梵志答樓夷仙樹葉
多少之數樓夷即舍利弗寂然即釋尊也次說心
密竟大眾獲益地動雨華雷音菩薩以神通力先
於天樂讚歎法門次來禮佛傳雷音王佛問訊之
命眾會乃問密迹夙因佛具述千佛探籌樓由最
後及法意法念二弟一願作金剛力士侍衛千佛
一願作梵天勸請千佛轉法輪今密迹即法意也

次說行佛道業三十二事。寂意復問如來三密。密迹先說身密。引應持菩薩不見佛頂事證。又明佛不受食。諸天取去濟苦眾生等事。大眾獲益。天樂自鳴。世尊摩頂讚印。次說口密。具明六十種音。引大目連窮佛音聲不得邊際事證。及說呪二十二首。廣明如來言辭不可限量。大眾獲益。次說心祕要。現瑞獲益。又地裂出水。高灑世界。表持經瑞。寂意復請密迹具說如來苦行。莊嚴道樹。降魔受供。轉法輪事。眾復獲益。佛讚印之。寂意又問寂然憚怕等義。佛詳答之。眾又獲益。欲知密迹何時成佛。

佛爲授記。密迹請佛於曠野國七日受供。佛於毗沙門宮應病演法。令各獲益。又爲護世四王說十法。八法。六事。四事。二事。爲密迹說菩薩十事。無瞋恚法。八法。心無恐懼。四事。而得自在。四事。入於法門。八力。致開士行。密迹宣呪。諸天偈歎。佛還靈鷲阿闍世王來見。佛爲說密迹夙因。密迹以金剛著地。王及帝釋目連皆不能舉。因爲王說有十大法。逮得大力。及說仁和八法。往來周旋四法。又答世王信坐之問。答賢王天子寂然之義。讚其從阿闍國來。入法室總持。密迹請佛建立法典。佛周觀四

方說頌建立并述往事以結成之。

△淨居天子會第四

卷二竺法護譯

佛住耆闍崛山與

大菩薩比丘眾六萬人俱。佛於食後入三昧。震動大千。諸天來集。金剛摧天子說偈問法。佛為說菩薩百八夢相。先標次釋。後偈明菩提心無有退轉。眾生行不可思議。六萬天人得不退轉。十八那由他天人發菩提心。十千欲退菩薩捨除罪過。徑登補處。與彌勒同時成佛。

◎無量壽如來會第五

卷二

佛住耆闍崛山與萬二

千大比丘俱。及普賢文殊彌勒賢護等無量無邊菩薩。皆來集會。阿難問佛光瑞希有之故。佛為說往昔法處比丘四十八願。現成無量壽佛。廣讚極樂世界依正之妙。極勸發願往生。

◎不動如來會第六

卷二

授記莊嚴品第一。佛在耆

闍崛山與千二百五十比丘俱。舍利弗請問往昔菩薩發趣修行被精進甲功德莊嚴。佛舉不動菩薩所發種種弘誓答之。佛刹功德莊嚴品第二。具明妙喜世界諸莊嚴事。聲聞眾品第三。明不動國聲聞無數。菩薩眾品第四。明不動國菩薩更多。在家者少。出家者多。及明魔不為擾。涅槃

功德莊嚴品第五。明不動佛入涅槃後所作佛事。法住久遠。往生因緣品第六。明種種善根迴向。得生彼刹。及勸囑流通。

○被甲莊嚴會第七

卷五

佛住迦蘭陀竹園。無邊慧

菩薩說偈問法。佛亦說偈許答。次正問被大甲冑。佛具答之。初一番長行偈頌。列諸甲冑名。第二番長行偈頌。明此甲冑無相無名。不可破壞。第三番長行偈頌。明其乘於大乘。第四番長行偈頌。明其住入正道。第五番長行偈頌。明發趣攝取正道之法。第六番長行偈頌。明一一皆以慧爲先導。第七

番長行偈頌。明其隨入一切法。大饒益眾生。第八番長行偈頌。引古梅檀香光明佛時。有轉輪王名一切義成。能求此法。已成超無邊境界王佛。第九番長行偈頌。明於諸法得法光明。不墮諸見。第十番長行偈頌。因勝慧菩薩問。明無所行而行。第十一番勝慧說頌讚佛。誓願持法。第十二番佛說偈讚成之。并說古徧照佛時。勇猛軍轉輪王聞法受持。已成無邊精進光明功德。超勝王佛。次因無邊勝菩薩問。爲說長行偈頌。明無住而住。爲如理住。次因無邊慧問。爲說長行偈頌。明無所安立無畏。

發趣之義。又說往古月燈王佛時。雲音無邊音二
大士聞此法門。皆已成佛。若有精勤修習者。當得
一切法海印三昧。又能攝得阿字等諸三昧印。又
說往古超邁須彌光王佛時。勇猛軍勇猛力二大
士受持此法。皆已成佛。一名無邊辯才。一名最勝
光明。次有慧義菩薩。歎法希有。佛印成之。次加持
付囑流通。

◎法界體性無分別會第八

卷二

曼陀羅
仙譯

佛在給

孤獨園。與八千比丘。萬二千菩薩。三萬二千天子
俱。寶上天子念請文殊說法。佛勅文殊說法界體

性因緣。文殊與舍利弗互相問答。五百比丘得無
漏心。文殊復與舍利弗問答。發明無縛無脫。二百
比丘不忍而去。文殊化作一比丘。與之問答。令得
無漏。次與阿難發明比丘有增上慢。無增上慢之
義。次答寶上天子發明菩薩六度清淨。四念清淨。
如實授記等義。及明菩薩得自在品。諸天發心。世
尊讚印。天子與文殊種種問答。發明不生自在等
義。五百菩薩皆得道記。次授寶上天子道記。魔王
波旬與眷屬來。佛以神力。令問文殊。菩薩修畢竟
行。善知方便。行般若義。文殊答之。又以神力。令魔

變作佛身。說於佛法。五百菩薩得無生法。忍。又變舍利弗亦為佛身。與魔問答。比丘斷漏。諸天發心。有千菩薩從四方乘空來。發願受持守護此經。佛亦放光守護。付囑流通。

◎大乘十法會第九

卷一

佛陀扇多譯

佛住耆闍崛山。

與五百羅漢。無量無邊菩薩俱。淨無垢寶月王光菩薩問大乘義。佛以十法答之。一信成就。二行成就。三性成就。四樂菩提心。五樂法。六觀正法行。七行法慎法。八捨慢大慢。九善解如來祕密之教。十心不憍求二乘。各有長行偈頌。魔外皆悟無生。

◎文殊師利普門會第十

卷一

佛在耆闍崛山。與八

百比丘。四萬二千菩薩俱。又無垢藏菩薩。與九萬二千菩薩。從普花佛國而來。及他方此界無量無邊菩薩。悉來集會。文殊請說。普入不思議法門。佛為說二十八三昧名。一頌示。又說十四種三昧名。及功用。

◎出現光明會第十一

卷五

佛在耆闍崛山。與五百

比丘。八十那由他補處菩薩。及四十那由他大士俱。月光童子問佛昔修何業。能得決定光明等一切光明。佛以偈答。先五言偈。答光音。次七言偈。答

光用。次四言偈。說月光本事。次七言偈。明愛樂此經。不愛樂此經。差別。及顯受持功德。次五言偈。明昔求經之行。及懸知未來之事。次明八十種善根。資糧成就。出現光明。復有八十種法。能成如來無礙解脫。月光偈讚發願。世尊微笑放光。彌勒偈讚廣問。世尊摩月光頂。說偈付囑。月光請佛受食。佛入城時。現大神變。空中宣百千頌。廣說妙法。及說呪二章。既受供已。爲說行施資糧。有八十種殊勝功德。次說欲成陀羅尼者。應當遠離八十種人。

○菩薩藏會第十二

卷二十一

譯玄奘

開化長者品第

一。佛於室羅筏國安居。竟遊摩竭陀國。詣鷲峰山。賢守等五百長者。見佛於路。頌讚相好。問捨家因。佛答以觀諸眾生。十苦。十惱。十稠林。十毒箭。十愛。十邪。十不善業。十染汙法。十種纏縛。所以捨家。長者說頌。願聞妙法。佛廣說根塵蘊界。因緣等法。無我不實。長者得法。眼淨。次說一切熾然。長者卽善來得戒。證阿羅漢。金毗羅天授記品第二。護城藥。又名金毗羅。奉佛妙供。眾神各奉僧供。佛授金毗羅無上道記。金毗羅莊嚴道路。隨佛至鷲峰山。佛命阿難敷大法座。命目連集諸苾芻。大迦葉等。

同來法會。試驗菩薩品第三。舍利子問菩薩法。佛答以菩提心及備信欲。如來不思議性品第四。詳說如來十種不可思議法。一信受如來不思議身。二不思議音聲。三智。四光。五尸羅。及以等觀。六神通。七力。八無畏。九大悲。十不共佛法。四無量品第五。述過去大蘊如來爲精進行童子。說大慈等四波羅密。陀那波羅密多品第六。具明五十種清淨行施。三十種上妙功德。尸波羅密多品第七。明身語意三種妙行。十種極深重心。十種發心。獲人中天上各四廣勝處法。乃至種種四法。

次明五十種清淨尸羅。次明過去最勝眾佛之時。有得念菩薩常修梵行。已成娑羅王佛。次明菩薩行清淨戒。應於眾生起父母想。訶欲過失。麁底波羅密多品第八。具明畢竟非畢竟忍。毗利耶波羅密多品第九。明十障礙法。不應隨轉。當勤精進。受持開演此菩薩藏。及明三業精進之相。次明在家出家菩薩。各有五損減法。次說往古律儀童子精進行。及法行。苾芻精進行。靜慮波羅密多品第十。明菩薩依四禪發五通。遠勝二乘。及得種種大定。般若波羅密多品第十一。先明四十一

法趣入聞相。次明起正行相。次明如理方便作意。次明如理證入如理之句。如理正觀。次復廣明十種善巧。次明妙慧。及到彼岸義。次明五番十種功德。大自在天授記品第十二。結前大蘊如來為精進行童子。廣說四無量及六度已。又說四攝法。然不授菩提記。次值寶性如來。轉名善慧長者。亦不得記。次值放光如來。轉名迷伽儒童。散華布髮。乃得授記。證無生忍。皆即釋迦本生事也。於是那羅達多長者子。發大乘意。與妻子眷屬樂工。及城中十千人民。廣興供養。立大乘誓。佛為現大神變。授三乘記。及勸受持。

○佛為阿難說人處胎會第十三 卷一 佛在給孤獨

園。阿難日晡從禪定起。與五百比丘見佛。佛為說入胎因緣。胎中三十八七生長相貌。出胎七日後所生八萬戶蟲名字。結明五陰皆無常苦無我。我所。阿難得法眼淨。五百比丘漏盡意解。

○佛說入胎藏會第十四 卷二 義淨 度難陀出家。

令見天宮地獄。為說入胎住胎出胎諸苦。同前。又說三塗劇苦。教令修四念處。乃至重說偈已。難陀證阿羅漢。大眾疑問。往因。佛為具說本事。

◎文殊師利授記會第十五 三 實義難 卷 陀譯 佛在耆

闍崛山與比丘千人菩薩八萬四千諸天七十二

億及天龍八部諸大眾俱向阿闍世王宮現大神

通爲摧過答菩薩說大悲法及授道記次應供還

山從禪定起天人雲集舍利弗請問嚴淨佛刹之

行佛現神變更集十方無量刹中諸大菩薩命彌

勒敷大法座昇座動地乃爲舍利弗說一法增至

十法及說種種淨行因果相稱結以三法謂大願

殊勝住不放逸如所聞法起正修行次授四萬菩

薩道記次有師子勇猛雷音菩薩請問文殊何時

成佛得何佛刹佛令自問文殊深顯第一義諦法

界實相之理大眾獲益次問發心久近佛述雷音

佛時普覆王事已化二十億眾生皆成佛竟次問

將來佛刹莊嚴佛勅文殊自說昔願略有十節佛

因記其佛名普見刹名隨順積集清淨圓滿所有

莊嚴遠勝極樂世界如以大海比一滴水唯東方

普光常多功德海王佛刹名住最上願與等無異

及有四大菩薩東光明幢南智上西諸根寂靜北

願慧亦當得此淨刹佛復以神力令大慧見東方

刹依正莊嚴隨授八萬四千菩薩道記有十六人

猶如文殊。餘所得刹。皆如極樂。次四大菩薩皆來入會。文殊令諸菩薩各說一相法門。略敘一十四人。次問文殊。久如成佛。佛明其劫數甚遠。無有疲倦。

○菩薩見實會第十六

卷十六

耶連提耶舍譯

序品第一。

佛在尼居陀林。遣迦盧陀夷教化父淨飯王。淨飯王詣佛品第二。天龍八部同集佛所。王亦來禮。說偈問答。阿脩羅王授記品第三。毗摩質多等十一阿脩羅王與六十那由他眷屬。設大供養。而得受記。本事品第四。大迦葉入如實三昧。憶念

過去阿僧祇阿僧祇劫。如來所修一切功德。以偈讚佛。佛為說不可說劫之前。有佛號因陀幢王。以恆沙世界為一佛刹。莊嚴清淨。國中眾生純正。定聚。於是文殊菩薩從東方高威德王佛所而來。發明因陀幢王。即我釋迦。迦樓羅王授記品第五。

龍女授記品第六

龍王授記品第七

鳩槃

茶授記品第八

乾闥婆授記品第九

夜叉授

記品第十

緊那羅授記品第十一。先有疑問。如

來答釋。乃設供授記。

虛空行天授記品第十二

四天王授記品第十三

三十三天授記品第

十四 夜摩天授記品第十五。歎佛能知二諦。及廣設供。佛與授記。兜率陀天得授記品第十六。推授記不可得。但是世諦言說。如夢不實。倍設供養得記。化樂天授記品第十七。解一切法實際無二際。而得道記。他化自在天授記品第十八。自言尙不見實。况復見際。彼法非可知。非可識。非可捨。非可修。非可證。而得道記。諸梵天等授記品第十九。離諸分別。定心清淨。以寂滅法。說偈讚佛。而得道記。光音天等得授記品第二十。說照耀一切法三昧。及偈讚佛。而得道記。徧淨天授

記品第二十一。說超過一切法三昧。及偈讚佛。而得道記。廣果天授記品第二十二。說無量門陀羅尼。及偈讚佛。而得道記。淨居天子讚偈品第二十三。共四百五十三人。各說偈讚。遮羅迦波利婆羅闍迦外道品第二十四。八千外道請問決疑。佛說從六道來。受生習氣。及說對治法。外道悟無生忍。偈讚獲記。六界差別品第二十五。佛爲淨飯王說內外六界。皆是假名。無來無去。及說諸根如幻境。界如夢。順違中庸三種六塵。皆具三解脱門。四轉輪王品第二十六。一無量稱王。二地

天王三頂生王皆以無厭足而取大苦。四尼彌王以不放逸而成大益。說此本生四王事已。勸淨飯王修不放逸。觀一切法無生。陀羅尼門及不滅等六十七法門。七萬釋種得無生法。忍佛與授記。皆生安樂世界。後皆成佛。次囑舍利弗受持流通。

△富樓那會第十七

三卷 鳩摩羅什譯

菩薩行品第一

佛住王舍城竹園富樓那問菩薩多聞不退轉事。佛答以四大希有事。精進。一忍辱。二正道。三深心。四又四法生喜心。四法得離難。多聞品第二。明四法能集多聞。不退品第三。明四法能不退轉。

說古那羅延法師及摩訶耐摩陀比丘弘法事。次說四法退失菩提。成聲聞乘。四法不退心。及善根戒清淨。一。念成就。二。勤精進。三。多聞慧。四。四法利益菩提。持戒。一。忍辱。二。精進。三。多聞。四。四法具足。身色財物眷屬行慈。供佛。二。供法。三。供僧。四。具善根品第四。明親近四法能攝一切善法。忍辱。一。出家。二。頭陀。三。近善知識。四。神通力品第五。放毛孔光。以經付囑阿難。及讚竹園功德。大悲品第六。因目連問廣說因中大悲行。合難品第七。因象手比丘問廣明眾生性空。佛亦不滅。富

樓那品第八。歎述流通。

○護國菩薩會第十八

二卷 閻那崛 多譯

婆伽婆在耆

闍崛山。與千二百五十比丘。五千菩薩。及一切八

部俱喜。王菩薩以偈讚佛。觀於法界。護國菩薩比

丘夏安居竟。共諸初學比丘。見佛偈讚。問菩薩法

要。佛答四法。能成清淨之事。真實無諂。一行於平

等。二心念行空。三如言而行。四四種無畏之法。得

陀羅尼。一值善知識。二得深法忍。三戒行清淨。四

有四功德。令心歡喜。見佛。一聞法。二捨一切。三順

法忍。四法應棄捨。居家。一利養。二檀越。三身命。

四四種無悔之法。不破戒。一住阿蘭。二四聖種。三

多聞。四四調伏行。願值佛。一供師長。二樂空閒。三

頭陀忍。四四法淨菩薩行。無瞋恨。一捨所有。二不

求果報。三不見師過。四四墮落法。不恭敬他。一背

恩諂曲。二多求名利。三詐善揚德。四四障道法。懈

怠。一不信。二我慢。三瞋恚。四四種人不得親近。惡

知識。一執見人。二謗法人。三貪利養人。四四法受

未來苦。輕慢智人。一懷嫉妬心。二於法無信。三無

忍求利。四四繫縛。輕慢他。一世俗定。二行放逸。三

求利養。四四次七言偈。廣說佛本生妙行。及歎末世

不如法事。又明八種障菩提法。次明古成利慧佛時。福燄王子不放逸事。次結益囑持。

△郁伽長者會第十九卷

康僧鑑譯

佛在給孤精舍

與千二百五十比丘。五千菩薩俱。郁伽等十長者。各與五百長者見佛。問在家出家二種菩薩行法。

佛先廣說在家三歸五戒法義。及布施功德。厭離家想。六時悔過。隨喜勸請。希慕出家。供養眾僧。次說出家四聖種行。頭陀淨戒淨定淨慧。次問菩薩住在家地。學出家戒。佛以五法答之。施不望報。一不習欲想。二修禪不證。三學慧行慈。四護法勸他。

○五次授記其供養千佛化度眾生所有功德。百千出家菩薩所不能及。

○無盡伏藏會第二十二卷

佛在耆闍崛山

與千比

丘五百菩薩。及天龍八部俱。電德菩薩問速成菩提之法。佛答以五大伏藏。謂貪行伏藏。瞋行伏藏。癡行伏藏。等分行伏藏。諸法伏藏。於法伏藏中。說過去寶聚功德。聲佛時。廣授大王欲害無垢比丘事。深戒勿生害心。又勝生佛時。旃陀羅聞法得無生忍。牛聞法得生兜率。深明眾生根行難測。次答月幢菩薩無功用智之問。地動雨華。

授幻師跋陀羅記會第二十一卷 佛在耆闍崛

山與千二百五十比丘五千菩薩及天龍八部俱

幻師欲試佛故詐言請佛於穢處化作道場四王

帝釋亦各化作莊嚴道場幻師驚悔欲攝所化而

不能得次日世尊現大神變幻師悔過見一切處

佛身便獲念佛三昧以偈問法佛亦偈答幻師得

順法忍阿難啟佛加持令彼幻莊嚴事七日不沒

幻師隨佛至山請問菩薩速至道場之行佛說四

十三種四法幻師證無生忍得記

○大神變會第二十二卷 佛在給孤獨園與千二

百五十比丘八千菩薩俱商主天子問佛幾種神

變調伏眾生佛答以說法教誡神通三種又問頗

有神變能過此耶佛令問文殊文殊答於無言說

法而作言說一切言說實無所說名大神變舍利

弗問商主往因佛答以過去等須彌佛時淨莊嚴

王本事舍利弗歎文殊久修梵行多供養佛種諸

善根文殊為說三種決定之義佛又讚商主更為

說大神變文殊又答商主問菩薩智及答四十二

問大眾獲益更答種種密意之問及答諸菩薩行

之問眾又獲益佛又答商主無生法忍之問現瑞

獲益受記勸持。

○摩訶迦葉會第二十三卷

月婆首 那譯

婆伽婆在

給孤獨園與五千比丘八千菩薩俱。迦葉問出家者當云何學。云何行。云何修觀。佛為說持戒念佛及說出家為二事故。一為現得道果。二為見未來佛。次廣明沙門四賊及種種過。迦葉勸佛久住。佛以護法囑之。迦葉極言不堪。勸付彌勒菩薩。佛遂摩彌勒頂。大千震動。諸天勸助。彌勒受持。更請世尊說當來惡。以作警誡。佛為說之。及說古智上佛時。樂精進菩薩本所修行。深顯法施功德。次明菩薩二十法業。四種畢定。四法離薩婆若。四法應急捨離。次明瞋餘菩薩得罪甚大。於是彌勒作師子吼。五百比丘自愧。信施難消。退還歸俗。文殊先讚印之。次與如來問答方便。令得盡漏。迦葉復請世尊說末世菩薩諂曲之過。佛說古妙華佛時。達磨善法二童子事。勸誡應修沙門二業。一修禪。二習誦。不應唯修供養福業。尤不應以破戒之身而著袈裟。次說古光明佛世。大精進菩薩觀佛畫像法門。

○優波離會第二十四卷

佛在給孤獨園與千二

百五十比丘。五萬菩薩俱。佛問誰能於後末世護持正法。成熟眾生。有五十五菩薩各自承當。舍利弗向佛稱歎。佛印述之。并說三十五佛悔除罪法。時優波離從禪定起。請佛廣說決定毗尼。佛為分別聲聞菩薩持犯不同。次勅文殊說究竟毗尼。佛又廣答聲聞菩薩增上慢相。說偈結持。

發勝志樂會第二十五卷 佛在鹿苑與千比丘

五百菩薩俱。有諸菩薩業障深重。疑惑退轉。彌勒菩薩慰問令喜。有六十人隨勸詣佛。投地悲淚。佛慰令起。說其往昔誹謗法師惡業。多受眾苦。後亦

當生極樂世界。時諸菩薩隨發十三弘誓。佛讚印之。彌勒因問末世菩薩成就幾法。安隱得脫。佛答以二種四法。不求他過失。亦不舉人罪。離麤語。慳恚。是人當解脫。當捨於懈怠。遠離諸憤鬧。寂靜。常知足。是人當解脫。次明無希望心。行法施時。成二十利。又二十利。次明末世種種過惡。次明慧行。菩薩與初業菩薩不同之相。次明初業菩薩應當觀察利養之過。亦當觀察憤鬧。過有二十。世話過有二十。睡眠過有二十。眾務過有二十。次明不修諸行。不斷煩惱。不習禪誦。不求多聞。非出家者。次明

略說戲論過有二十次明發十種心能生極樂世界。

◎善臂菩薩會第二十六卷二 鳩摩羅 佛在王城

竹園為善臂菩薩廣說六波羅密法常當具足。

◎善順菩薩會第二十七卷一 佛在給孤獨園與五

百聲聞十千菩薩俱舍衛城有菩薩名善順恆以

五戒八齋教化眾生令修六度四等帝釋種種試

驗不能令其破戒偶得劫初金鈴價過南洲謂唯

波斯匿王最貧與眾往見而奉與之王問誰證我

貧善順請佛為證佛與五百聲聞十千菩薩及天

龍八部從地涌出為作證明兼說三種無量功德

資糧復有三十二法能勤修者則為見於如來大

眾獲益王以二衣施善順善順不受王求以足踏

之次即轉施貧苦咸令得益勸使見佛兼為王說

菩薩法門眷屬

◎勤受長者會第二十八卷一 佛在給孤獨園與千

二百五十比丘五百菩薩俱城有長者名勇猛授

與五百長者見佛請問求菩提者應云何學云何

住云何修行佛答以大悲六度次問云何觀察於

身命財能無貪悋佛教以觀身過患又說四十四

種觀身。長者得無生忍。說偈歎菩提心。佛為授記。
◎優陀延王會第二十九卷一佛在瞿師羅園。與千

二百五十比丘俱。舍摩夫人供養佛僧。帝女夫人
譖於優陀延王。王極瞋怒。以箭三射。舍摩入慈三
昧。箭還住王頂上空中。王乃驚悔。舍摩勸令見佛
懺罪。因問女人過患。佛為廣說丈夫四種愆過。王
受三歸作優婆塞。

◎妙慧童女會第三十二會同卷佛在耆闍崛山。與千


二百五十比丘。十千菩薩俱。王舍城有長者女妙
慧。年始八歲。詣佛問法。佛為說四十行。女發大願。

動地雨華。眾變金色。次答文殊諸問。文殊向佛讚
之。佛因說其發菩提心。經三十劫。然後佛始發心。
女又發大誓願。即轉如三十歲。知法比丘。眾會獲
益。

◎恆河上優婆夷會第三十一佛在給孤獨園。此

優婆夷來禮佛足。與佛問答第一深義。佛為授記。

閱藏知津卷第二



閱藏知津卷第三

門出地谷武天北天目沙門釋智旭彙輯

大乘經藏方等部第二之二

大寶積經之餘

◎無畏德菩薩會第三十二卷

佛陀扇多譯

婆伽婆

住耆闍崛山與五百比丘無量無邊菩薩及八千大菩薩俱舍利弗等入城乞食至阿闍世王宮殿王女名無畏德年始十二安坐不起王語令起女即種種彈訶聲聞舍利弗目犍連往問皆被屈服又以誓願令諸聲聞得見香象世界放香光明如

來。次答大迦葉問。答須菩提問。答羅睺羅問。答父
王問。人天獲益。然後下牀禮敬。聲聞施妙飲食。同
至佛所。現丈夫身。佛與授記。并授其母月光夫人
道記。

○無垢施菩薩應辯會第三十三卷一 真攝道 序品

第一。佛遊給孤獨園。與千比丘。萬二千菩薩俱。文
殊等八大菩薩。舍利弗等八聲聞。各發勝願。入城
乞食。波斯匿王女無垢施。年始八歲。與五百婆羅
門出城浴洗天像。為婆羅門說其初生七日。即聞
三寶功德。乃趨菩薩聲聞處禮足。王亦隨至。聲

聞品第二。女問八大聲聞。皆不能答。菩薩品第

三。女又次第問八大菩薩。已須菩提語諸聲聞菩薩。
已得法食。不須乞食。遂同還佛所。女即以偈問佛。
菩薩諸行。菩薩行品第四。佛為說十八種四法。
女即發誓奉行。震動世界。雨眾天花。天樂自鳴。變
成十六童子。佛乃明其修菩薩行經六十劫。文殊
乃發菩薩之心。授記品第五。佛為授菩提記。及
授五百婆羅門記。

○功德寶華敷菩薩會第三十四二會同卷 佛在耆闍

崛山。開敷功德寶華。菩薩問受持佛名。速證菩提。

之義。佛爲說十方佛號。及受持功德。東方無量功德寶莊嚴威德王如來。南方功德寶勝莊嚴威德王如來。西方一切法殊勝辯才莊嚴如來。北方積集無量辯才智慧如來。東南方千雲雷吼聲王如來。西南方最上妙色殊勝光明如來。西北方種種勝光明威德王如來。東北方無數劫積集菩提如來。上方虛空吼聲淨妙莊嚴光明照如來。下方一切法門神變威德光明照耀如來。

◎善德天子會第三十五 佛在給孤園。與千比丘十千菩薩。并欲色諸天子俱。佛勅文殊爲天眾說

諸佛甚深境界。所謂平等無依。無數無得等。次受善德天子請。現大神變。往兜率天。說四種法。住不放逸。則能攝取一切佛法。一住於戒律而具多聞。二住於禪定而行智慧。三住於神通而起大智。四住於寂靜而常觀察。及說八種八法。又說依不放逸。不損三樂。得離三苦。超三畏。三有。離三垢。滿三學。近三寶。離波羅密三障。得波羅密三伴助。次示觀察正勤念處。如意根力。覺道等法。次以光照上方普賢佛刹。與持法炬菩薩同來見佛。

◎善住意天子會第三十六

卷四

達磨笈多譯三
菩提流志譯一

緣起品第一。婆伽婆住耑闍崛山。與六萬二千比丘。四萬二千菩薩。及天龍八部俱。文殊入無諍除心三昧。震動十方佛土。又大普光無垢莊嚴三昧。大集十方菩薩。來到佛所。皆入隱身三昧。迦葉舍利弗。須菩提。入二萬三萬四萬三昧。求之不見微相。文殊復遣化佛菩薩。徧召諸天。開實義品第二。文殊與善住天子問答。共談實義。文殊神變品第三。善住意先發。後至。文殊後發。先至。華臺諸化菩薩。說偈讚佛。眾益地動。破魔品第四。文殊入破散諸魔三昧。魔見衰相。恐怖歸佛。次說具

二十法。得是三昧。復有六種四法。菩薩身行品第五。十方菩薩從隱身三昧起。各現其身。文殊問菩薩名義。佛答以覺一切法。破菩薩相品第六。明初發心義。無生忍義。超越轉入諸地義。破二乘相品第七。明真出家持戒頭陀禪行等義。及明聰辯利智。是嬰兒凡夫。得陀羅尼。是愚癡凡夫。諸餘智人。盡入頑鈍。五百比丘不信誹謗。墮大地獄。佛記其從地獄出。速證涅槃。以聞如是甚深法門。故破凡夫相品第八。說殺三毒。謗三寶等性惡法門。神通證說品第九。文殊爲善住意入如幻

三昧及為五百五通菩薩執劍害佛以除彼分別

心令得無生法忍。稱讚付法品第十

○阿闍世王子會第三十七卷佛在耆闍崛山王

子名師子與五百人見佛問答各十六頌佛與授

記。

○大乘方便會第三十八卷佛在給孤

園與八千比丘萬二千菩薩俱智勝問菩薩行於

方便佛具答之兼明眾尊王菩薩與女人同坐事

過去樹提梵志十二年攝受女人事無垢比丘容

女借宿事愛作菩薩度德增女事於是阿難歎諸

菩薩如須彌山亦如藥王迦葉亦說空澤大城之

喻以歎菩薩次因德菩薩之問佛為具說示現八

相十惱等一切方便皆為化度眾生非有實事

△賢護長者會第三十九卷佛在迦蘭

陀竹園與千二百五十比丘俱跋陀羅波梨長者

與千眷屬向世尊前請問決疑佛先為阿難具說

長者所受樂果雖帝釋亦不能及唯真月童子則

又勝之由於古樂光佛時作大法師開示未聞以

是法施因緣九十一劫恆受福報長者乃問眾生

神識相貌名義及此世他世作受等義佛具答之

眞月童子問色及欲取見取戒取云何須觀佛亦答之次有大藥王子菩薩問神識從此身移當有何色佛答如幻師火如人水內影如風輪無定無有定色如眾生眼見虛空等及問答受罪受福等事次又答賢護問聚積陰移四種名義

◎淨信童女會第四十三會同卷佛在給孤獨園與五

百比丘八千菩薩及賢劫諸菩薩文殊等六十八賢護等十六大士二萬兜率天子俱波斯匿王女名淨信詣佛問法佛答以十二種八法又轉女身二種八法淨信與五百童女俱得授記

◎彌勒菩薩問八法會第四十一菩提留支譯婆伽

婆住耆闍崛山與千二百五十比丘十千菩薩俱彌勒問速成菩提之法佛答以成就八法一深心二行心三捨心四善知回向方便心五大慈心六大悲心七善知方便八般若波羅密

◎彌勒菩薩所問會第四十二佛在鹿林與五百

比丘一萬菩薩俱彌勒問菩薩成就幾法離諸惡道及惡知識速證菩提佛答以增一至十法彌勒以偈讚佛阿難歎其辯才佛明其十無數劫前於燄光遊戲妙音自在王佛時曾爲婆羅門子賢壽

悟無生忍。便獲神通。本先四十劫前發心行道。由我勇猛精進。行於二種十法。故能超之。次明彌勒往昔所行善巧方便安樂之道。次明見一切義太子施血。妙華太子施髓。月光國王施眼。本生苦行。次明佛與彌勒二人本願不同。

○普明菩薩會第四十三卷

一附秦錄勘同編入

佛在耆

闍崛山與八千比丘。萬六千菩薩俱。佛爲迦葉說菩薩二十種四法。又說三十二法。又說如地如水等喻。又說中道真實正觀。又說菩薩爲真佛子。又說畢竟智藥。又說當來比丘。如犬逐塊。又說二不

淨心。一讀外道書。二畜好衣鉢。三堅縛。一見。二利養。二障法。一親近白衣。二憎惡善人。二垢。一忍受煩惱。二貪諸檀越。二雨雹壞諸善根。一敗逆正法。二破戒受施。二癰瘡。一求見他過。二自覆其罪。二燒法。一垢心受著法衣。二受他持戒供養。二病。一懷增上慢。二壞他大心。又說四種沙門。一形服。二威儀欺誑。三貪求名聞。四真實。又說四種破戒。似持。一說有我論。二身見不滅。三取相行慈。四見有所得。於是五百比丘得解脫。三萬二千人得法眼。淨五百比丘從坐去。佛化二比丘隨與問答。令其

解脫來詣佛所。答須菩提種種諸問。又有五百比丘得解脫。三萬二千人得法眼淨。普明菩薩問云。何住及云何學。佛言不取不著。發大精進。習大法船。

◎寶梁聚會第四十四

卷二

道龔譯

沙門品第一。佛

在耆闍崛山。與八千比丘。萬六千菩薩俱。摩訶迦葉問沙門義。佛詳答之。并說三十二垢。八覆。十二表式。八法敬重袈裟。及說破戒比丘不能消信施。比丘品第二。先正說比丘法。次說惡比丘能壞正法。有十六種四惡法。旃陀羅沙門品第三。說

惡沙門如旃陀羅。亦名敗壞。亦名篋。亦名枸欄茶。亦名求利。亦名稗。亦名逋生稻。亦名形似。亦名失血氣。五百比丘捨戒還俗。佛記其信解慚悔。得生兜率。在彌勒初會數中。營事比丘品第四。詳明營事之法。蘭若比丘品第五。詳明阿蘭若法。五百比丘漏盡解脫。乞食比丘品第六。糞掃衣比丘品第七。

◎無盡慧菩薩會第四十五

卷半

佛在耆闍崛山。與

千二百五十比丘。一萬菩薩。十六在家菩薩。六十無比喻心菩薩。賢劫一切菩薩。及無盡慧等六萬

菩薩俱。無盡慧問菩提心義。及依何義而得修行。佛答菩提本無名字言說。若依言說敷演。則以十波羅密為十發心。一。波羅密皆以十法為首。及明十地先相。十地圓滿十度。得十三昧。十陀羅尼。於是無礙光明師子幢天子。歎佛及法。佛更為說聽受此法門者。必不退轉。

◎文殊師利說般若會第四十六卷

半

曼陀羅仙譯

佛

在給孤獨園。與千比丘。十千菩薩俱。文殊晨朝詣佛。舍利弗等亦至。佛問文殊欲見如來耶。文殊即說正觀如來法門。佛印許之。舍利弗與文殊問答

深義。佛亦與文殊互相問答。深明修般若義。觀身實相。觀佛亦然。等義。乃至福田無差別相。大地震動。眾會獲益。次明入不思議三昧。如人學射。久習則巧。次明欲具一切佛法。當學般若。次明一行三昧。乃至微笑放光。以為無相法印。

△寶髻菩薩會第四十七卷

二

竺法護譯

佛在靈鷲山

與四萬二千比丘。八萬四千菩薩。及天龍八部俱。東方淨住佛國寶髻菩薩。與八千菩薩俱。以一寶蓋覆此忍土。雨花說頌。來禮佛足。請問清淨之行。佛總告以四事。一曰行度無極。二曰遵修諸佛道。

品。三曰具足神通。四曰開化眾生。次詳解釋六度三十七品。五通及化眾生有二十事。不厭生死。次說古普壞世佛時。有珍寶菩薩。問饒益眾生。嚴淨道場等義。佛以無放逸答之。彼時珍寶。卽今寶髻。次又說開化眾生有四法。又說古離垢光佛時。有極妙精進菩薩。以大忍力。仰承佛命。往化業首太子。彼時菩薩。卽今世尊。彼時太子。卽今彌勒。次說菩薩一種四法。自在道業。寶髻以其髻中明月珠。貢佛發願。佛爲授記。

◎勝鬘夫人會第四十八卷

卷一

佛在給孤獨園。波斯

匿王與末利夫人致書於女勝鬘。稱揚佛德。勝鬘發書尋繹。遙空請佛。佛卽現身。勝鬘說偈歎德。佛爲授記。勝鬘復發十弘誓願。感於天花。天音又發三願。佛讚印之。又說一大願。攝恆沙願。所謂攝受正法。更復演說廣大之義。及大威力。佛讚印之。又說大乘了義。廣明二乘爲不了義。以不出變易生死。不斷無明住地故。唯一佛乘。一歸依。一實諦爲了義耳。佛亦印之。次又說三種人入大乘道。一成就甚深法智。二成就隨順法智。三仰推唯佛所知。餘有隨己所取。執著妄說。違背正法者。一切天人

應共摧伏。佛亦讚印。然後放光。昇空步還。告語阿難。及與天帝結名付囑。

○廣博仙人會第四十九卷一佛在恆河岸上。與無

量比丘俱。廣博仙人與五百同行來見。問云何為

施。何者施義。及施主施者等義。佛詳答之。并示三

十二種不淨之施。次明五大施。又五大施。又五無

上施。又九大施等。次答中有識及明智識差別。次

答六道來生差別。僅說持鬘四王。忉利三種生死

時相。文來未盡。

△大方廣三戒經三卷三乃

北涼中天竺沙門曇無讖譯

即第一三律儀會同本異譯

○佛說如來不思議祕密大乘經二十卷今映

宋中印土沙門法護共惟淨等譯

即第三金剛力士會同本異譯。分作二十五品。

佛說無量清淨平等覺經卷二乃

後漢月支國沙門支婁迦讖譯

△佛說無量壽經卷二乃

曹魏天竺沙門康僧鎧譯

佛說阿彌陀經卷二乃

吳月支國優婆塞支謙譯

△佛說大乘無量壽莊嚴經

南作二卷北
上中下同卷

南深
北命

宋中印土沙門法賢譯

已上四經並第五無量壽如來會同本異譯而

法賢本中有慈氏問答尤妙但止三十六願

○佛說大阿彌陀經

卷二
貞

宋國學進士王日休取前四經刪補訂正析

為五十六分惜其未見寶積一譯然心甚勤

苦故舉世多流通之

佛說阿閼佛國經

二卷北
作三卷

服

後漢月支國沙門支婁迦讖譯

即第六不動如來會同本異譯

○佛說大乘十法經

卷一
服

蕭梁扶南國沙門僧伽婆羅譯

即第九大乘十法會異譯

佛說普門品經

卷一
服

西晉月支國沙門竺法護譯

即第十文殊師利普門會異譯

△佛說大乘菩薩藏正法經

四十卷今
作二十卷

南辭安
北如松

宋中印土沙門法護等譯

卽第十二菩薩藏會異譯

佛說胞胎經卷一 服

西晉月支國沙門竺法護譯

卽第十三佛爲阿難說人處胎會異譯

文殊師利佛土嚴淨經卷二 服

西晉月支國沙門竺法護譯

卽第十五文殊師利授記會異譯

○佛說護國尊者所問大乘經四卷南作三北作二 南夙北臨

宋北印土沙門施護譯

卽第十八護國菩薩會異譯

郁迦羅越問菩薩行經卷一 衣

西晉月支國沙門竺法護譯分作八品。

佛說法鏡經卷二 服

後漢安息國優婆塞安玄共嚴佛調譯

二經皆卽第十九郁伽長者會異譯

幻士仁賢經卷一 衣

西晉月支國沙門竺法護譯

卽第二十一授幻師跋陀羅記會異譯

○佛說決定毗尼經卷一 衣

北云東晉錄失譯人名南云燉煌三藏譯

卽第二十四優婆離會異譯

○佛說三十五佛名禮懺文半一紙

淵

唐北天竺沙門大廣智不空譯

卽前經中譯出別行

△發覺淨心經二卷北一作一卷衣

隋北天竺沙門闍那崛多譯

卽第二十五發勝志樂會異譯

△佛說須賴經一卷南忘北衣

曹魏西域沙門釋白延譯

卽第二十七善順菩薩會而有同王見佛得菩

提記諸佛摩頂現出家相諸事。

佛說須賴經一卷南忘北衣

前涼月支國優婆塞支施喻譯亦同前本。

○菩薩修行經亦名威施長者問觀身行經半卷南忘北短

西晉河內沙門白法祖譯

○佛說無畏授所問大乘經上中下僅半卷南馨北夙

宋北印土沙門施護譯

二經皆卽第二十八勤授長者會異譯

佛說優填王經四紙餘衣

西晉沙門釋法炬譯

佛說大乘日子王所問經九紙

宋中印土沙門法天譯

二經皆卽第二十九優陀延王會異譯

○佛說須摩提經

西晉月支國沙門竺法護譯

○佛說須摩提菩薩經二卷衣

姚秦天竺沙門鳩摩羅什譯

二經皆卽第三十妙慧童女會異譯

佛說阿闍世王女阿述達菩薩經一卷衣

西晉月支國沙門竺法護譯

卽第三十二無畏德菩薩會異譯

△佛說離垢施女經一卷衣

西晉月支國沙門竺法護譯

△得無垢女經一卷裳

元魏中天竺婆羅門瞿曇般若流支譯

二經皆卽第三十三無垢施菩薩應辨會異譯

○文殊師利所說不思議佛境界經二卷裳

唐南印土沙門菩提流志初譯

卽第三十五善德天子會異譯

○善住意天子所問經三卷裳

元魏烏菴國沙門毗目智仙共流志等譯

△佛說如幻三昧經三卷 裳

西晉月支國沙門竺法護譯

二經皆卽第三十六善住意天子會異譯

△太子刷護經

西晉月支國沙門竺法護譯

○太子和休經二經同卷 裳

西晉錄失譯人名

二經皆卽第三十七阿闍世王子會異譯

△慧上菩薩問大善權經二卷 推

西晉月支國沙門竺法護譯

○佛說大方廣善巧方便經四卷今作二卷 南清北深

宋北印土沙門施護譯

二經皆卽第三十八大乘方便會異譯

○大乘顯識經二卷 推

唐中印土沙門地婆訶羅譯

卽第三十九賢護長者會異譯

佛說大乘方等要慧經

後漢安息國沙門安世高譯

卽第四十一彌勒菩薩問八法會異譯

彌勒菩薩所問本願經 二經南共一卷北共半卷 推

西晉月支國沙門竺法護譯

卽第四十二彌勒菩薩所問會異譯

佛遺日摩尼寶經 卷一 推

後漢月支國沙門支婁迦讖譯

△佛說摩訶衍寶嚴經 卷一 推

晉代失譯師名

◎佛說大迦葉問大寶積正法經 五卷今作二卷 忠

宋北印土沙門施護譯

三經皆卽第四十三普明菩薩會異譯

△勝鬘師子吼一乘大方便方廣經 卷一 推

劉宋中天竺沙門求那跋陀羅譯

卽第四十八勝鬘夫人會異譯

△毗耶娑問經 卷二 推

元魏中天竺婆羅門瞿曇般若流支譯

卽第四十九廣博仙人會而有結文。

入法界體性經 八紙南男北傷

隋北天竺沙門闍那崛多譯

佛在耆闍崛山。文殊師利立佛門外。佛命之入。問

佛住何三昧。佛言寶積三昧。乃至種種問答。明法

界義。舍利弗復與文殊問答深義。

寶積三昧文殊師利菩薩問法身經五紙

南男
北才

後漢安息國沙門安世高譯。與前同本。

佛說阿彌陀經四紙 貞

姚秦三藏法師鳩摩羅什譯

佛在祇園與比丘菩薩諸天大眾俱。無問自說。告舍利弗。稱讚西方極樂世界阿彌陀佛不可思議。依正功德。勸人發願求生。但以執持名號為行。復引六方各恆沙佛。出廣長舌。勸信流通。今時叢席皆奉之為晚課。真救世神寶。圓頓上乘也。

○稱讚淨土佛攝受經九紙 貞

唐三藏法師玄奘譯

與上經同本。而有十方佛勸信。

後出阿彌陀偈經十四 貞

後漢失譯師名

讚往生淨土勝妙

阿彌陀鼓音聲王陀羅尼經三紙 行

開元附梁錄

佛在瞻波大城。為諸比丘說阿彌陀佛父母。子侍者。上首及魔等名。次說神呪。十日修行。必生彼國。

佛說觀無量壽佛經卷一 貞

劉宋西域沙門曇良耶舍譯

佛在耆闍崛山。韋提希夫人。被子幽閉。哀請世尊。說生淨土之法。佛示以三種淨業。十六觀門。天台智者大師有疏。四明法智尊者有妙宗鈔。深得經髓。宜精究之。

觀世音菩薩得大勢菩薩受記經卷一 南罔北短

劉宋幽州沙門曇無竭譯

佛在鹿苑。與二萬比丘。萬二千菩薩。二萬天子俱。華德藏菩薩問云。何得如幻三昧。佛答以一法。謂

無依止。又問何人得此三昧。佛答以彌勒文殊等六十正士。又問他方菩薩何人得此三昧。佛答以觀世音得大勢二大菩薩。華德藏請佛召二菩薩。佛放白毫相光。照安樂刹。令彼此互見。互得大益。二大士來。佛遂說其過去發心之因。并授補處成佛之記。

◎佛說如幻三摩地無量印法門經上中下 南淵北似

宋北印土沙門施護等譯

與上經同本。末後有一女人發心。便得轉為男子。授菩提記。

閱藏知津卷第三

一、大正藏經卷之三
 二、大正藏經卷之三
 三、大正藏經卷之三
 四、大正藏經卷之三
 五、大正藏經卷之三
 六、大正藏經卷之三
 七、大正藏經卷之三
 八、大正藏經卷之三
 九、大正藏經卷之三
 十、大正藏經卷之三
 十一、大正藏經卷之三
 十二、大正藏經卷之三
 十三、大正藏經卷之三
 十四、大正藏經卷之三
 十五、大正藏經卷之三
 十六、大正藏經卷之三
 十七、大正藏經卷之三
 十八、大正藏經卷之三
 十九、大正藏經卷之三
 二十、大正藏經卷之三
 二十一、大正藏經卷之三
 二十二、大正藏經卷之三
 二十三、大正藏經卷之三
 二十四、大正藏經卷之三
 二十五、大正藏經卷之三
 二十六、大正藏經卷之三
 二十七、大正藏經卷之三
 二十八、大正藏經卷之三
 二十九、大正藏經卷之三
 三十、大正藏經卷之三
 三十一、大正藏經卷之三
 三十二、大正藏經卷之三
 三十三、大正藏經卷之三
 三十四、大正藏經卷之三
 三十五、大正藏經卷之三
 三十六、大正藏經卷之三
 三十七、大正藏經卷之三
 三十八、大正藏經卷之三
 三十九、大正藏經卷之三
 四十、大正藏經卷之三
 四十一、大正藏經卷之三
 四十二、大正藏經卷之三
 四十三、大正藏經卷之三
 四十四、大正藏經卷之三
 四十五、大正藏經卷之三
 四十六、大正藏經卷之三
 四十七、大正藏經卷之三
 四十八、大正藏經卷之三
 四十九、大正藏經卷之三
 五十、大正藏經卷之三

閱藏知津卷第四

北天目沙門釋智旭彙輯

大乘經藏 方等部第二之三

大方等大集經 卷三十 位讓國

北涼中天竺沙門曇無讖譯

序品第一。佛在耆闍崛山。往古佛住大塔之中。與
 六萬八千比丘。無量諸菩薩俱。時成正覺。始十六
 年。知眾大集。堪任受持菩薩法藏。即入佛境神通
 實見眾生三昧。於欲色二界中間。出大坊庭。如大
 千界。從三昧起。放大光明。與諸大眾上升寶坊。六

欲天王各各偈讚隨侍。佛至寶坊坐師子座。又入無礙解脫三昧。一一毛孔放光。普照十方無量世界。光中說偈。爲勸放逸諸菩薩故。光徧十方。還從頂入。十方各有一大菩薩。與十恆沙諸大菩薩俱來。右繞萬市。供養讚歎。次第而坐。佛從定起。警欬聲徹十方。人及非人。四禪天眾。一切畢集。復放眉間光。入諸菩薩頂。於是諸法自在功德華子菩薩。入瓔珞莊嚴三昧。出師子座。從三昧起。偈讚請佛登座。次有寶杖等十菩薩各入三昧。令眾得益。乃至召魔王來。令其請轉法輪。佛讚其譬如百年閻室。一燈能破。次有法自在王菩薩。廣讚如來境界。不可思議。歎惜眾生捨大喜小。會中三十億那由他百千萬億天人。發無上心。陀羅尼自在王菩薩品第二。佛放白毫光明。入陀羅尼自在王菩薩頂。菩薩化大寶蓋以覆如來。偈讚問法。佛答菩薩有四瓔珞莊嚴。一戒瓔珞莊嚴。二三昧瓔珞莊嚴。三智慧瓔珞莊嚴。四陀羅尼瓔珞莊嚴。一一各有增一至十等事。次明有八光明能壞諸闇。淨菩薩行。一念光。二意光。三行光。四法光。五智光。六實光。七神通光。八無礙智光。一一光復各八種。次明修

習大悲有十六事。一壞妄見。二壞四倒。三破憍慢。四壞五蓋。五拔沈沒。六斷七慢。七斷惡道。八斷繫縛。九斷惡友。十施智慧。十一施因緣智。十二斷所見。十三斷三有。十四壞魔網。十五示樂因。十六開涅槃門。次明修三十二善業。壞眾生三十二惡業。一智慧。二上解欲。三法自在。四正命。五正見。六不放逸。七壞麤獷。八一切施。九淨戒。十忍。十一進。十二定。十三智。十四正義。十五壞世行。十六斷煩惱。十七除我見。十八調諸根。十九壞邪說。二十知恩。二十一壞增上慢。二十二善口語。二十三知足。二

十四恭敬父母師長。二十五修七財。二十六身念處。二十七燃慧燈。二十八出離道。二十九捨左道。三十捨愛著。三十一信三寶。三十二修六念。次廣答如來十六大悲。非諸聲聞菩薩所及。引古梅檀窟佛度。非非想天一人。入定八萬四千大劫。待其下生。與授記已。方般涅槃。次復明如來三十二業。卽是十力。四無所畏。及十八不共法。於是如來顧問大眾。誰能守護如是供具。及此寶坊。令不毀損。待彌勒成佛十六年後。供養彼佛。及賢劫中五百如來。爾時諸法神通自在王菩薩。卽承當之。有一

神通魔王。問其安置何器。菩薩令其諦觀我身。見其齋中有水。王光世界。佛號寶優鉢羅。坐大寶山。宣說正法。魔王卽發大菩提心。誓不退轉。次陀羅尼自在王菩薩。答師子幢菩薩。廣說八陀羅尼。所謂淨聲光明陀羅尼。無盡器陀羅尼。無量際陀羅尼。大海陀羅尼。蓮華陀羅尼。入無礙門陀羅尼。四無礙智陀羅尼。佛莊嚴瓔珞陀羅尼。佛讚印之。并說其曾於過去淨光明佛時。名爲光頂菩薩。問佛寶炬陀羅尼義。聞已。卽得。故今能說。次有慧聚菩薩。請問得已不失之故。佛廣答以安住慧根。造作慧業。大地震動。次有具足四無礙智菩薩。請問以何因緣。名爲慧聚。佛說過去功德佛藏時。曾爲念意菩薩。不起於座。答佛所問百億事義。大眾獲益。故得此名。次乃付囑流通。寶女品第三。世尊故在大寶坊中。有寶女。手持白眞珠貫。隨誠言力。徧著佛及諸菩薩頂。眾歎希有。佛述成之。女問實語法語。義語。毗尼語。義。佛具答之。十千菩薩得無生忍。女爲舍利弗說三十二菩薩寶心。悉無聲聞辟支佛心。又爲說四無礙智。舍利弗問其夙因。佛說過去分別見佛時。曾爲輪王。供佛發心。久已離男

女身。今以方便示女身耳。寶女請問十力世尊。是即是離。又何故說十。非一非百。佛說非即非離。能說十事。故名十力。雖說十力。一具無量。爲流布故。說言十力。因廣說十力。無畏。十八不共。皆從菩薩修行所得。又答三十二相業。因地動獲益。次答修行法行問。次寶女爲舍利弗說不退印。地動獲益。佛又答寶女大乘問。次說三十二障礙事。三十二速得大乘事。結益囑持。不眴菩薩品第四。東方普賢佛所。不眴菩薩來供養佛。讚歎問法。佛爲說一切法自在三昧。次明具足一至十法。能得三昧。

大眾獲益。次不眴爲舍利弗說無住義。無生忍義。佛讚印之。因說得心自在。即能得法自在三昧。次爲舍利弗說不眴夙因。乃於過去自在王佛時。名爲法語比丘。久修久證。此妙三昧。不眴又爲舍利弗說梵行法。大眾獲益。付囑流通。海慧菩薩品第五。大水盈滿。出生無量芬陀利華。大眾各自見在華上。華出大光。彌勒問何因緣。佛言。下方寶莊嚴土。海智神通佛所有。海慧菩薩欲來聽法。故海慧即來。先入三昧。令此大眾得見彼土。次偈讚佛。請問淨印三昧。佛爲具說菩提心寶。三押不壞。具

足六度。次說穿菩提心。次說三昧根本。所謂三業隨智。復有十淨具三十法。得不共。次明遠離滓濁。破壞四魔。次爲舍利弗說師子初產。小火燒薪等喻。復爲海慧說過去勤精進佛。示堅固莊嚴菩薩四法。一者發心。二者作心。三者觀心。四者如法住。既廣釋已。菩薩奉持勤行精進。今成世尊。次有修悲梵天請問海慧。何名佛法。答以一切法卽是佛法。無有二相。菩薩有八種力。聞深佛法。不生怖畏。佛讚印之。兼明能護正法。有四四攝。次有功德寶光菩薩問護法義。佛舉過去大智聲力如來。答

法護菩薩所問護法之義。兼以付之山王等十九菩薩。各言能護。文殊師利言其悉是謬語。以世尊不得一法故。佛讚印之。文殊又說持經有十利益。大眾發心。地動出光。海慧復問世尊何法攝取大乘。佛答以百種一法。百三十種二法。五十六種三法。及障礙大乘三十七種四法。眾又獲益。大地震動。天人讚善。佛復偈歎大乘功德。又爲海慧廣說門句法句。及金剛句。於是十方菩薩。與供偈讚。慧聚菩薩申明佛出世義。佛舉然燈授記時七種三淨。以印成之。海慧復問菩薩發何等願。佛答以如

本發願。及說種種方便智慧。次說過去無邊光佛。爲淨聲輪王說八種四法。王悟無生。出家修道。佛又爲說出家二十四益。并示以當淨自界。淨聲如法觀已。卽得神通辨才。彼時淨聲卽今海慧。次又爲說如法而說。如說而住之義。引古師子捨身救二猴子之事爲證。次有二十一菩薩各說如法住義。海慧復廣明魔業。佛廣說壞魔業道。波旬莊嚴四兵來趣寶坊。海慧以神通力。持置東方破疑淨光佛國。令發大菩提心。又令此彼兩國互得相見。互得大益。佛復說呪四章。付囑流通。虛空藏菩

薩所問品第六。婆伽婆遊妙寶莊嚴堂上。與比丘六百萬菩薩不可說人俱。世尊分別大法方便。於時大千世界。忽皆不見。唯見微妙寶臺。及見高師子座。舍利弗請問因緣。佛言。東方一寶莊嚴佛所。有虛空藏菩薩欲來至此。菩薩尋與十二億眾俱來。供養讚歎。寶臺震動。乃問云。何行六度。與虛空等。凡三十問。佛一一答之。於六度中。一一各有四法成就。又有八法能淨。於六念中。詳明念佛三身。及念天差別。於陀羅尼中。具明三十二修。於二十四辯。具明二十四種修因。旣答釋竟。大眾獲益。速

辯菩薩問何因緣名虛空藏。佛言過去普光明王佛時。曾爲師子進菩薩。入定雨寶。卽獲此名。於是眾會渴仰。欲見神力。遂承佛命。入稱一切眾生意。三昧。雨法及財。大眾獲益。又以神力。釋生疑菩薩之疑。佛又述久遠過去淨一切願威德勝王佛時。曾爲眾天灌頂輪王。已得不退菩提心三昧。生疑。因請虛空藏說三昧行業。虛空藏答八萬四千諸三昧門。略舉八十三名。次舍利弗問生疑名。生疑。自答釋之。虛空藏復請佛說諸菩薩大誓莊嚴及道莊嚴。次有寶德菩薩問虛空藏修出世聖道之

義。及入於涅槃。行菩薩行之義。眾又獲益。如來讚印虛空藏。乃推功於佛力。寶德問其意旨。仍答釋之。次又答阿難問。於是五百聲聞。各脫鬱多羅僧。供虛空藏。虛空藏卽遣此衣。至東方袈裟幢世界。山王佛所。施作佛事。次有光明莊嚴梵天。雨花作樂供養。請問菩薩善根資糧。及出要智方便。佛廣答之。天歎希有。謂能以四句義。總說一切菩薩行。虛空藏語梵天言。一句亦能總攝一切佛法。謂離欲句。空句等。略舉十四一句。一一皆能總攝佛法。如佛法一切法亦然。以是等句。皆非句故。一切佛

法非句。假名爲句。次有寶手菩薩。請問何謂安一切佛法根本。虛空藏答以住菩提心。次以二法攝菩提心。次以四法攝。八法攝。四十六攝。八。三十二攝。十六。六十四攝。三十二。百二十八攝。六十四。寶手讚歎興供。波旬化作長者。與佛問答。佛勅十六菩薩。各說過魔界行。波旬興供。虛空藏說呪。魔子亦勉強發心。佛爲懸授記。莚申越長者疑悔盡除。六十八億菩薩發願持經。佛爲較量功德。并說呪術。四王帝釋亦各說呪。梵王彌勒阿難及功德莊嚴菩薩。皆悉受持。佛與十方諸佛。同放大光。囑

累。無言菩薩品第七。王舍城師子將軍生一子。空中有天誡之。八歲不言。今以佛力。同其父母親屬。共到寶坊。現大神通。說偈讚佛。大眾獲益。興供。將欲問佛。先與舍利弗互相問答。次問聞聲及善思。惟生於正見。佛廣答之。無言復答。舍利弗問得正見義。次乃問信進念慧四力。佛廣答之。眾會得益。無言次答蓮華菩薩。倒見如見義及菩薩義。佛讚其得慧燈三昧。因卽廣明能攝六萬諸三昧門。譬如日出能爲四事。又如寶珠。亦如虛空。亦爲一切法頂。眾又得益。動地興供。次於世尊齋中。出一

金剛齋菩薩傳東方慧橋如來命問安聽法。及六萬億菩薩皆在佛身內坐聽法。次從一毛孔出。禮佛卻坐。金剛齋復與無言問答。顯發無性。無聲法界無二深義。無言復入金剛三昧。令此世界悉為金剛。金剛齋盡其神力。不能破一微塵。次明有四法。能得金剛三昧。無言次為同來眷屬說四事。莊嚴菩提之心。十法常得親近諸佛菩薩。父及眷屬得柔順忍。佛乃付囑受持。不可說菩薩品第八。世尊故在大寶坊中。不可說菩薩讚佛入定問說大事。地動興供。眾獲大益。又即演說不誑如

來之義。無畏菩薩因問云。何名誑如來。不可說分別答之。兼明無出之出。名佛出世。佛讚印已。無畏問誰當信者。寶女遂與廣相問答。次為舍利弗廣說譬喻。明聲聞與如來。於無差別法界中。而有差別。又答無畏調伏問。報恩問。謂三十二業名菩提行。此能報恩。二人必死不治。謂聲聞緣覺。無畏以衣供養寶女。不受。復作種種問答。次有勝意天子問說與不說之義。不可說化作比丘證信。復與勝意種種問答。亦與舍利弗種種問答。舍利弗深讚印之。佛亦讚舍利弗。不可說復與佛問難得受記。

義。八千菩薩得無生忍。昇空說偈。魔王化作比丘而來。不可說以神通力。令其懺悔。爲說十六種法。發菩提心。又說三十二法。向菩提心。又請世尊說不可說六波羅密。魔王歡喜。大眾發心。

寶幢分。魔苦品第一。世尊在寶坊中。重述初成道時。優波提舍及拘律陀。遇見馬宿比丘。聞法見諦。魔不能擾之事。往古品第二。仍述魔眾發心問法。答以四法。不近惡友。速得菩提。於是地意菩薩。請問不可說義。可覺知否。佛言不可說。智卽一切智。因反問以佛智。十五菩薩各各答已。樂欲菩

薩。復與文殊問答。佛讚印之。魔眾得無生忍。大會獲益。佛爲說過去業。謂往古香功德。佛說寶幢陀羅尼門。華目比丘。化無量眾。善行大臣。發惡誓願。華目今成世尊。善行今爲波旬。還得受記。魔調伏品第三。魔盡其力。欲害於佛。舍利弗目犍連富樓那須菩提。入城四門。各調五百魔子。佛現蓮華。說偈遠聞。魔被五縛。詐心歸依。七走不脫。至心聽法。三昧神足品第四。佛欲入城。諸天競阻。佛以大聲慰之。心遊首楞嚴定。令諸眾生各見所事之像。光味仙人。與五百弟子。聞佛說偈。皆得寶幢三

昧讚佛得記。相品第五。佛入三昧。令王舍城有十二門。門一如來。諸魔天神各興供養。於香花中說偈。周聞佛。又入佛莊嚴。瑠瓊三昧。令界清淨。十方雲集。說偈普益。次登光味。所造寶梯。坐蓮華上。勸發波旬。生歡喜心。波旬吐惡。獻佛。佛變其氣。成須曼華。徧供十方諸佛。集十方佛。及諸菩薩。陀羅尼品第六。十方諸佛同聲說大集金剛法心。因緣自在。陀羅尼。月光童子菩薩亦說神呪。菩提自在。梵王正語。梵天皆現女身說呪。佛又說呪。以加護之。護品第七。善繫意菩薩變現八萬四千色。

身調伏眾生。佛與授記。授記品第八。莊嚴華魔王。誓以女身廣度眾生。說呪護法。吉意菩薩述其本事。佛皆與記。悲品第九。十方諸佛爲莊嚴華及吉意。二大菩薩說呪。二人受持。佛復勸諭波旬發心。波旬不發。護法品第十。佛以正法付囑國王。諸天各發弘願。四天王護法品第十一。梵王帝釋四王各說一呪。疑心菩薩問魔。悉來集否。佛言都集。又問有信心否。佛言皆有信心。唯除波旬眷屬千人。當來破壞三寶。至法滅時。乃得信心。亦當成佛。次有太白魔天說呪動地。護持佛法。曠

野鬼品第十二。五百菩薩以大願力。現鬼畜身。調伏鬼畜。說二神呪。還本品第十三。十方諸佛。欲還本界。動地雨花。月香如來。答梵天問。成就十法。能護正法。

虛空目分 聲聞品第一。世尊故在大寶坊中。諸聲聞等。猶生大慢。不得四果。佛舉瞻婆華鬘。發大誓願。出生四寶。寶出大光。擲之虛空。鬘中說偈。眾悉來集。佛爲宣說雜四真諦。華鬘徧往四方。佛上南方金剛光明功德如來。遣金剛山童子說法。目陀羅尼來贈。西方智幢如來。遣勝幢童子說淨目

陀羅尼來贈。北方發光明功德如來。遣勝意童子說光目陀羅尼來贈。東方寶蓋光明功德如來。遣虛空聲童子說聖目陀羅尼來贈。四童子變此世界。令淨。與大眾來。供養偈讚。各傳佛命。地動龍集。正語天女說呪護法。佛爲憍陳如廣說法行。具明阿那般那。乃至八忍。八智。亦說滅後六部差別。亦說奢摩他。毗婆舍那。四念處。三解脫。四禪。四定。及出世定。是名法目陀羅尼。與金剛山所持來者無異。說是法已。舍利弗目犍連等。皆得四果。世間目品第二。佛放白毫相光。照十方土。人天畢集。頻

娑婆羅請問十二月相。佛說雪山仙人共虎行欲

生十二子。父母亡後歸依梵天。至十二年感天與

願。佛說相法
悉不譯出

彌勒品第三。彌勒心念說偈問佛。

佛為廣說十二因緣。是名淨目陀羅尼也。四無

量心品第四。頻婆娑羅王問供養修四無量菩薩

得幾所福。佛言具八事。無八怖。具足八大丈夫。次

有淨光菩薩。與無勝菩薩。互相問答。眾會獲益。

淨目品第五。無勝意童子請問慈無量心。相體因

緣果報。佛入調伏眾生無所畏懼三昧。放肉髻光

照無邊界。說偈。眾生悉集寶坊。佛為說三種慈。并

說修相。明星天子問慈心果。佛具答之。天子於諸

禪定。出入自在。說呪利生。佛因為說十二菩薩現

為畜生。調伏眾生。居閻浮外四方海中。每方各三。

東。蛇。馬。羊。西。豬。鼠。牛。南。猴。雞。犬。
北。師。子。兔。龍。即今十二生肖也。并說求見呪法。

聖目品第六。明星菩薩問修悲法。佛言當觀八苦。

明星得無生忍。眾獲多益。次說修喜修捨。辟支

佛乘品第七。無勝意問緣覺乘人所修慈悲喜捨。

佛答以修法緣慈等。聖目無礙智品第八。虛空

聲童子請問無緣梵行。佛入虛空幢三昧。面門放

光照十方界。大聲集眾。乃演說之。大眾獲益。護

法品第九。文殊等九萬二千億童子。請佛願力加持法門。佛言。四方四佛。先已有願。今以此法付囑。天龍鬼神。十方菩薩。請佛制戒。佛言。止。佛自知時。次問頻婆娑羅國法。隨制四重。及囑護佛法者。應擯治。不如法惡比丘。大眾還品第十。佛復安慰諸天。一切眾生各發願。寶髻菩薩品第十一。

東方淨住佛國。寶髻菩薩與八千菩薩。賫妙寶蓋。覆千世界。來供養佛。讚聲徧滿大千。請問淨行法印。佛答以十分之一。謂一者波羅密行。二者助菩提行。三者神通行。四者調眾生行。并說過去一切

眾生樂念如來。亦說此法。時有寶聚菩薩。復問莊嚴自身莊嚴菩提樹法。彼佛答以不放逸法。其時寶聚。卽今寶聚。次又說四種四法。調伏眾生。及說過去廣光明佛時。淨精進菩薩。調伏財功德婆羅門事。寶髻卽解髻珠供佛。佛與授記。

日密分 護法品第一。世尊故在大寶坊中。蓮華光功德大梵菩薩。請說清淨法聚。佛令菩薩各入禪定放光。十方雲集。佛示生身法身二種供養。次明破戒受施。現在未來各四惡果。又明未來惡王侵奪法師物者。現得二十種惡。捨身墮大地獄。備

歷鬼畜能護法者功德甚大。陀羅尼品第二。東方五功德佛。遣日密菩薩持真陀羅尼。及蓮華陀羅尼來。南方山王佛。遣香像王菩薩持隨空三昧陀羅尼。及大行陀羅尼來。西方高貴德王佛。遣光密功德菩薩持斷業陀羅尼。亦名隨無願。及大神良呪來。北方德華密佛。遣虛空密菩薩持淨陀羅尼來。分別說欲品第三。日密偈讚傳欲佛語舍利弗。受持是陀羅尼。分別品第四。四大菩薩各各入定放光。憍陳如請問愛與士夫。行於生死。佛爲分別廣說如實陀羅尼。眾得大益。重問蓮華陀

羅尼。佛不許說。次問如空空行陀羅尼。佛爲說之。眾又得益。次問隨無願陀羅尼。佛爲說之。眾亦得益。次問一切世間不可樂想。食不淨想。佛爲說之。亦卽是隨無願陀羅尼。眾又得益。舍利弗次問淨陀羅尼。佛說破四倒法。眾又大益。不思議大通品第五。頻婆娑羅王請問佛光。佛勅四眾各入三昧。佛亦自入佛境界三昧。一切世界悉入佛身。一切眾生獲大利益。波旬大苦。命空樹大臣。往勅諸龍。龍集大山。皆失勢力。復有戒梯大臣。先往佛所。佛令憶本誓願。得如法忍。龍受大苦。歸依光味大

仙光味勸令歸佛。救龍品第六。佛趨須彌山頂。

放光救龍王苦。大聲說諸法印。所謂無常苦。無我

等。文來未盡。

大哀經八卷周

西晉月支國沙門竺法護譯

即前經初二品。分作二十八品。

寶女所問經四卷發

西晉月氏國沙門竺法護譯

即前經寶女品第三。分作十三品。

○海意菩薩所問淨印法門經十八卷今南澄北似

宋譯經院沙門惟淨共法護等譯

即前經海慧菩薩品第五

無言童子經二卷發

西晉月支國沙門竺法護譯

即前經無言菩薩品第七

寶星陀羅尼經八卷殷

唐中天竺沙門波羅頗密多羅此云智光譯

即前經寶幢分同本別譯

△大乘大方等日藏經十卷有

隋烏菴國沙門那連提黎耶舍譯

即大集日密分而詳明。

△大護持正法品第一 陀羅尼品第二 菩薩使

品第三。佛勅耶舍持日眼蓮華陀羅尼。憍陳如

持無盡根陀羅尼。舍利弗持智慧依止陀羅尼。

目犍連持惡心者生歡喜心。諸不信者悉皆昏

睡陀羅尼。即分別說欲品。而此詳悉。定品第四 惡業集

品第五。此二品即前日密分別品。護持品第六。此品前經所無。

佛現神通品第七。即不思議大通品。魔王波旬星宿

品第八。前缺略。送使品第九。光味仙為龍見

佛。念佛三昧品第十。昇須彌山頂品第十

一即救龍品三歸濟龍品第十二。世尊從須彌頂

下。至佉羅低山。說十種業。來生龍中。及為龍說

種種夙因。護塔品第十三。佛以二十八支

提付囑諸龍。及夜叉。竟。又說大授記。呪。波旬聞

已。生歡喜心。與諸眷屬懺悔。受三歸依。伽羅支

魔子問眼色因緣等義。佛為解釋諸法性空。眾

獲大益。大方等大集月藏經卷十 虞

高齊烏菟國沙門那連提黎耶舍譯

月幢神呪品第一。佛在佉羅帝山。與六百萬比丘。

無量無邊菩薩俱。說日藏經已。西方現大花雲。雲中現一半月。廣十由旬。月中復現真金重閣講堂。大堂中復現半月。月中有千葉青蓮。世尊端坐說法。光照大眾頭上。皆現半月。目連說偈問佛。佛說月藏菩薩欲來。月藏卽來說偈。并說神呪。又懺謝來遲之過。佛廣讚其入禪功德。具足六度。魔王波旬詣佛所。品第二。魔宮諸物變半月形。放光演偈。擊鼓集眾。鼓復說偈。乃與眷屬詐來歸依。興諸供養。佛爲憍陳如。說利養過失。魔懷羞愧。默坐聽法。諸阿脩羅詣佛。品第三。波旬雨諸惡物於脩

羅宮。脩羅歸佛。佛以悲風光明三昧救之。尋來見佛。興供偈讚。本事品第四。說佛於毗舍浮佛時。爲化八弟。千年苦行。彼八弟者。卽今四阿脩羅王。波旬。調達。彌勒。維摩。第一義諦品第五。月藏請問住阿蘭若。修第一義諦法。佛言起大悲心。棄捨愛取。依四聖種。不念四大五陰。根塵識等。以四無礙。成熟眾生。滿六度行。如初日月。乃至十五日。月次問三昧何身。何攀緣。何想。何相。何性。佛具答之。次明隨有第一義禪菩薩居處。得十二種功德。利益。令魔得信樂。品第六。一切天人。慈心視魔。勸

諫令發道心。深信懺悔。佛爲說忍功德。授波旬記。波旬說呪護法。一切鬼神集會品第七。四王請佛分張付囑一切天龍鬼神大會亦同勸請。正辯大梵解旨。命四王以燄赫鐵輪四方遙擲。攝諸鬼神同來佛所。諸惡鬼神得敬信品第八。佛爲大會說十平等。一眾生平等。二法平等。三清淨平等。四布施平等。五戒平等。六忍平等。七精進平等。八禪平等。九智平等。十一切法清淨平等。羅刹王等自述夙業。悔過獲益。諸天王護持品第九。佛故問大梵天王。已以四天下付囑一切天龍鬼神。如拘畱孫等三佛無異。諸魔得敬信品第十。魔願護持國界。佛與授記。重囑一切天王。提頭賴吒天王護持品第十一。日月天子寄願護法。佛讚許之。并勅天王護閻浮提東方第四分。毗樓勒叉天王品第十二。佛勅天王護閻浮提南方第四分。毗樓博叉天王品第十三。佛勅令護閻浮西方第四分。毗沙門天王品第十四。佛勅令護閻浮北方第四分。呪輪護持品第十五。佛爲四王共說五呪。初總。次北。次東。次南。次西。忍辱品第十六。羅睺阿脩羅王等承佛付囑。說呪護法。龍王瞋

怒佛爲說忍辱十種近果及五遠果并說不忍過患。月藏又說大慈陀羅尼。於是天龍脩羅互相懺謝。佛重以三寶事付囑護持。兼明打罵出家人者得罪無量。大會興供。佛以神力加諸音聲。令演妙法。入眾會耳。各得大益。分布閻浮提品第十七。佛以一切國土分布付囑天龍鬼神各令護持。及說息諸諍訟大陀羅尼。星宿攝受品第十八。復以諸國囑付二十八宿七曜十二辰。建立塔寺品第十九。梵釋四王舉過去二十五塔爲例。請問如來現在未來幾所塔寺。令其護持。佛笑放光照曜諸國。各現多佛。囑令護持。法滅盡品第二十。月藏顧月燈說偈。月燈以偈問佛。佛偈答末法時事。囑諸菩薩護持。咸皆默然。唯彌勒等賢劫大士出語承當。佛復說偈。懸記法滅之事。又說金剛堅固深密解脫味體陀羅尼句。眾得大益。大興妙供。復說持經十種清淨功德。八種清淨功德。十三種清淨功德。

大乘大集地藏十輪經

卷十 陶

唐大慈恩寺沙門釋玄奘譯

序品第一。薄伽梵於佉羅帝耶山說月藏已。南方

雲來。雨諸供養。演諸法聲。眾會手中各各現如意珠。雨寶放光。見十方土。又見身各地界。增強堅重。難舉。無垢。生天帝釋。問佛。佛爲廣歎地藏菩薩功德。菩薩尋與無量眷屬。現聲聞像。來禮佛足。讚歎供養。佛又因好疑問菩薩。問廣述地藏無量功德。眾會與供。地藏轉供世尊。兼說神呪。利益一切。

十輪品第二。地藏問佛云。何於五濁世能轉佛輪。佛答由本願力。成就十種佛輪。能居此土。卽十力也。一一喻如轉輪聖王。無依行品第三。天藏大梵請問禪誦營福三業。爲出爲墜。刹帝輪王爲沈

爲昇。佛答二種十無依行。隨有一行不成三乘。次明出家破戒。猶能生人。十種殊勝。思惟不宜非理。辱害。次明五無間罪。四根本罪。謗三寶罪。皆非佛之弟子。宜極護持。四根本戒。次因優波離問。具明舉罪有十非法。又十非人。有五法舉。有七法滅。次因地藏願救末世。爲說末世有十惡輪。謂國王宰官等。護惡比丘。惱害淨眾。卽名爲旃陀羅。乃至破戒。無戒。不應辱害。引古羅刹醉象敬重袈裟爲證。若能遠離十惡輪者。則得十法增長。離三十過。地藏乃說護國不退輪心神呪。有依行品第四。金

剛藏菩薩問。既言破戒非佛弟子。云何不許辱害。又他經處處獨讚大乘。今經云何說三乘法。悉皆不許隱沒。佛答十種有情。難得人身。復有十種無依行法。差別有四種僧及四沙門。是故破戒。雖非佛子。不應受供。猶有聖賢幢相。不得辱害。三乘並是如來度生方便。雖修大乘。不得廢二。次示十有依行。三乘所共。復有十有依行。獨覺大乘所共。次復廣示大乘無塵垢行輪。無取行輪。隨眾生根。說三乘法。戒淨慈悲安樂一切。乃名大乘。懺悔品第五。眾會聞法。各懺先罪。佛為說十種法。能令菩薩獲得無罪正路法忍。謂不著五陰。此世他世三界。次明已得法忍。許處王位。或行十善。或信三寶。亦可為王。否則決當墮落。善業道品第六。金剛藏問。云何於三乘人法。得無過失。乃至菩提行願。心無厭足。佛答。十善業道。即菩薩十輪。廣說因果利益。福田相品第七。復明菩薩十財。施大甲冑輪。十法。施大甲冑輪。淨戒大甲冑輪。安忍大甲冑輪。精進大甲冑輪。靜慮大甲冑輪。般若及善巧方便。大甲冑輪。大慈大甲冑輪。大悲大甲冑輪。堅固大忍大甲冑輪。故為一切聲聞獨覺作大福田。

獲益囑累品第八。眾各獲益無量。佛以此法付囑
虛空藏菩薩。

佛說大方廣十輪經卷八 唐

北涼錄失譯人名

前經同本而文缺略。

大集須彌藏經卷二 唐

高齊烏菴國沙門那連提黎耶舍共法智譯
聲聞品第一。功德天女請問禪波羅密。佛為說出
入息念次第。得入四禪。入三三昧。滿菩提分。若國
土中有此福田。得十可愛樂法。得十殊勝利益。

菩薩禪品第二。復說菩薩不墮二乘定聚。如實觀
察。得一切法無語言空三昧。猶如地藏菩薩自在
闕出入。利益眾生。滅非時風雨品第三。功德天為
地藏述其往昔誓願。及述過去因陀羅幢相王佛
所授作世本宅心陀羅尼。復求地藏起悲愍心。地
藏令其請佛演說水風摩尼宮陀羅尼。說已。大地
震動。地藏亦說磨刀大陀羅尼。陀羅尼品第四。
佛告須彌藏龍仙菩薩。令調惡龍。龍仙說呪。善住
龍王廣歎袈裟功德。若有國王惱亂服袈裟者。則
致荒亂。此非龍過。然亦立誓說呪。次諸龍王亦各

立誓復說四呪。乾闥婆仙亦說一呪。地藏復說幢杖大陀羅尼。無盡意復說幢蓋摩尼願眼大陀羅尼。文殊亦說能懼尸利子利奴大陀羅尼。觀世音亦為彌勒說船華功德大陀羅尼。帝釋問佛何因何緣。諸龍損壞世間資財。佛答。貪力。瞋力。二種因緣。功德天以一斛器盛諸種子。奉觀世音。觀音說呪加護。令其教化眾生。

閱藏知津卷第四

閱藏知津卷第五

北天目沙門釋智旭合彙輯

大乘經藏 方等部第二之四

虛空藏菩薩經 卷一 帛

姚秦罽賓國沙門佛陀耶舍譯

佛住佉羅底翅山。說破惡業障陀羅尼。西方勝蓮敷藏佛所。虛空藏菩薩欲來供養。先現如意寶珠。照空大會。唯存佛光。除大菩薩。餘皆迷惑。梵頂菩薩問佛。佛說無斷常法。大眾復見如故。佛指西方。廣歎虛空藏功德。大眾渴仰。虛空藏復以神力。淨

此世界。令眾手中各有寶珠。雨諸供具。現大寶蓋。供養如來。現寶蓮華。而坐其上。彌勒致疑。藥王答釋。佛讚藥王。重歎虛空藏神力。說求請呪。彌勒問頂上妙珠之因。佛具答之。明其能除國王五根本罪。亦除大臣五根本罪。亦除聲聞五根本罪。亦除初心菩薩八根本罪。亦滿眾生一切所求。虛空藏次從座起。跪問何以能於五濁施作佛事。佛以虛空自性清淨之義答之。虛空藏即說無盡降伏師子奮迅陀羅尼。佛讚印其能滅重罪。令生佛國。

△虛空孕菩薩經 卷二 弔

善新隋北天竺沙門闍那崛多譯

即前經異出而小不同。

△虛空藏菩薩神呪經 紙十五 弔

劉宋罽賓國沙門曇摩密多譯

亦即前經同本而有缺略。

觀虛空藏菩薩經 紙三 弔

劉宋罽賓國沙門曇摩密多譯

佛住佉陀羅山。優波離問。欲治罪者。云何作觀。佛言。先依決定毗尼。敬禮三十五佛。次想此菩薩頂。有如意珠。若見此珠。即見天冠中現三十五佛。珠

中現十方佛。或得除罪字印臂。或聞空中唱罪滅。便堪入僧。或使知毗尼者得夢。須更懺悔。乃至八百日治廁。再三七懺。重與授戒。

無盡意菩薩經卷四 罪

劉宋枳園寺沙門釋智嚴共寶雲譯

佛遊寶莊嚴堂。說大集經。東方大金色光。照此世界。出大蓮華。無盡意菩薩與六十億眷屬俱。讚禮於佛。舍利弗問所從來。菩薩答以不來不去。次復問佛。佛答從不眴國普賢佛所來。兼明彼諸淨土菩薩。唯修念佛三昧。悟無生忍。無盡意以三昧力。

令此眾會得見彼土。遙申禮供。普賢如來亦令彼眾得見此土。遙申禮供。舍利弗問誰字仁者。為無盡意。答言一切諸法不可盡故。即廣說八十無盡法門。所謂發心無盡。淨心無盡。六種四行無盡。心畢竟無盡。六波羅密無盡。大慈大悲大喜大捨無盡。五通無盡。四攝無盡。四無礙智無盡。四種依法無盡。修習助道無盡。懺悔隨喜勸請等三十七品無盡。定慧無盡。總持辯才無盡。撰集四法無盡。無常苦無我寂滅一道無盡。方便無盡。

阿差末菩薩經卷七 罪

西晉月支國沙門竺法護譯

與上經同本。梵語阿差末。此翻無盡意也。

佛說菩薩念佛三昧經

卷六 弔

劉宋天竺沙門功德直其玄暢譯

序品第一。佛住耆闍崛山。淨居天子於夜後分供佛。請說念佛三昧。佛默許之。天子去後。微笑警欬。聲徧十方。天人畢集。佛出僧坊。遙見寶地。復更微笑。不空見菩薩問知其故。卽入三昧。於彼寶地。化作法座。請佛往坐。佛更動地。出廣長舌。述彼淨居天子請說念佛三昧。不空見本事品第二。過去

寶肩佛時。無量力王與二王子。一名師子。二名師子意。同供養佛。佛入涅槃。師子投火說誓。佛於火中復起。作大利益。然後滅度。師子尋生梵天。歷侍普密王等諸佛。無量力王。卽今世尊。師子意。卽今彌勒。師子。卽不空見。佛說此已。還入僧坊靜室。右脇而臥。神通品第三。不空見以神通力。莊嚴此界。阿難徧問目連。舍利迦葉。滿慈羅睺。及須菩提。各師子吼。述已。平日神通各言。今非已作。眾會各獲大益。彌勒神通品第四。彌勒入城乞食。以一食供恆沙諸佛。化彼長者發菩提心。大地震動。彌

勒亦師子吼自說往因。讚佛音聲辯才品第五。不空見從三昧起。爲眾說佛音聲辯才。眾會獲益。讚如來功德品第六。不空見說佛德已。心念如來降臨眾會。佛以神力動地放光。來至大會。不空見復告阿難。廣歎佛德。如來神力證正說品第七。佛摩不空見頂。印其所說。不空見復說偈。述其所見三世佛事。不空見勸請品第八。問法與供。述意請答。讚三昧相品第九。顯示念佛三昧功能。正觀品第十。先觀五陰不實。深生怖畏。具足慚愧。修行止觀。三空四念。及以四等。乃至十二頭

陀。三十七品十善十力等法。次復相續念佛十號。相好。六通。五分等法。又當續觀卽蘊異蘊。是如來耶。六根四大。亦復如是。又觀無上菩提。不以身得。不以心得。不離身心。得無上道。次明離我見法。放光授記。微密王品第十一。不空見問捨無慚愧。得三昧法。佛述過去明相佛時。勝微密王聞法出家。秉二二法。修此念佛三昧。已成蓮華上佛。三法品第十二。不貪。不瞋。不癡。觀一切法無常苦無我。供佛勸人供。發願讚佛德。讚相好。發願隨喜。三世佛所求念佛三昧。勸持品第十三。說過去寶

勝光佛滅後。樹王比丘流通此三昧寶王。有帝幢
 天轉輪王。夢中聞此三昧。出家修學。成高行佛。是
 故得聞此三昧者。決定成佛。諸菩薩本行品第
 十四。九萬百千億那由他菩薩發心持說修行。佛
 笑印之。正念品第十五。佛說正念諸法實相。是
 名念佛。菩薩聞已。得無生忍。安住三昧。皆見十方
 恆沙諸佛。大眾奉持品第十六。菩薩天人興供。
 佛重現瑞讚持。

○佛說大方等大集菩薩念佛三昧經卷十 民

隋南天竺沙門達磨笈多譯

與上經同。而文周足。正觀品分爲三。於十號
 相好下。名思惟三昧品第十一。於放光授記名
 示現微笑品第十二。神通品第十三。卽微密
 王品。修習三昧品第十四。卽三法勸持兩品。
 但缺正念奉持兩品。

大方等大集賢護經卷五 開元錄云亦南伐北罪

隋北天竺沙門闍那崛多共笈多等譯

思惟品第一。佛在王城竹園放光集眾。賢護問法。
 佛讚其德。爲說思惟諸佛現前三昧。卽般舟三昧也先說
 具諸方便功德。次說如聞阿彌陀佛在西方。便依

所聞繫念思惟。觀察不已。了了分明。終獲見之。如夢所見。無物能障。未得天眼。能見彼佛。亦無天耳。聞彼法音。如有三人。各念姪女。夢與從事。寤已來。詣賢護。賢護爲彼方便說法。住不退轉。得菩提記。念佛三昧。亦復如是。又昔須波日佛時。有飢人夢得飽食。寤已還飢。因思諸法皆空。如夢悟無生忍。如是隨佛方所。卽向彼方。至心頂禮。渴仰欲見。專精思惟色相。亦卽作彼虛空之想。住正思惟。得見彼佛光明清徹。如淨瑠璃。其形端正。如真金柱。三昧行品第二。具四四法。得成三昧。見佛品第

三。敬師如佛。精勤修學。則見十方各多多佛。不假作意。自然現前。正信品第四。當應勇猛發勤。精進莫如海船。未到先破。莫如愚人。嫌赤梅檀。莫如癡人。毀摩尼寶。因卽較量持經功德。受持品第五。能受持者。已於無邊佛所。種諸善根。一切功德。不能格量。觀察品第六。一心思惟佛坐說法。相好殊特。樂觀無厭。見如來已。當先諮問。不見頂相。次第徧觀諸相。皆令明了。願我未來。得具妙相。得清淨戒。具足威儀。定慧解脫等。亦爾。復更思惟。菩提爲身得耶。爲心得耶。身如草石。心不可見。菩提

無色亦不可見。無漏無為。無有以色證色。以心證心。無有證知。亦非無證。以如來身心皆無漏故。五陰五分及所說法亦無漏故。如是觀一切法。則入寂定。無有分別。非無分別。何以故。定有分別。卽是一邊。定無分別。復爲一邊。如是觀察。知如來時不可執著。戒行具足品第七。出家應護十支戒行。一清淨。二不缺。三不染。四不汗。五不濁。六不著。七不動。八不被訶。九智所讚。十聖愛敬是也。在家應修布施。三歸。五戒。八齋。乃堪行此三昧。次記此經行世時節。多人發願。末世弘持。佛爲授記。稱讚功德品第八。具四法。得三昧現前。獲五功德。

饒益品第九。過去無畏王佛時。須達多長者子持此三昧。成然燈佛。欲成此三昧。王當勤觀察彼四念處。具足五法品第十。賢護請佛設供。隨佛入園。復問幾法能證三昧。佛答六種五法。授記品第十一。然燈佛時。聞此三昧。卽證三昧。得菩提記。甚深品第十二。觀五陰不取著。觀念處不分別。一切法中無障礙。成就三昧。卽得覩見阿僧祇佛。聞法受持。十法入法品第十三。具十法爲他解斯三昧。當得八事。不共功德品第十四。當成十八不共法。當受如來十力。隨喜功德品第十五。

五四種隨喜隨過去。隨當來。隨現在。隨三世。功德不可格量。昔師

子意佛時。梵德輪王隨喜功德。已成堅固精進佛。

是故十由旬內。應往聽受。盡壽應隨法師不離。

覺寤品第十六。菩薩遮那摩佛後。和輪比丘說是

三昧。佛為國王。夢中聞告。寤遂出家。承事法師三

萬六千歲。魔障竟不得聞。汝等當應急疾聽受。事

師不懈。囑累品第十七。

△般舟三昧經一名十方現在佛。悉現在前立經。

後漢月支國沙門支婁迦讖譯。

即前經先出。而文古澀。

拔陂菩薩經南伐北罪

後漢錄失譯人名。

亦即前經。文來未全。梵語拔陂。此翻賢護。

自在王菩薩經卷二發

姚秦天竺沙門鳩摩羅什譯

佛在給孤獨園。與二萬比丘。一萬菩薩俱。自在王

問自在法。佛答戒自在。五神通自在。陰智性智入

智。因緣智。諦智。自在。無礙慧自在。及說菩薩十力。

四無所畏。十八不共法。

△奮迅王問經卷二發

元魏中天竺婆羅門瞿曇般若流支等譯

與上同本

大集譬喻王經

卷二

周

隋北天竺沙門闍那崛多等譯

為奢利弗以諸譬喻說菩薩二乘智慧功德差別

勸人發心迴向菩提親近善友

佛說大集會正法經

五卷北

南淵

宋北印土沙門施護譯

佛在鷲峰山中普勇菩薩請問佛為說聞大集會

正法者功德甚大次有折伏尼犍事普勇隱身往

十方刹諸事又為藥王軍菩薩分別久生初生二

義

僧伽吒經

四卷北

南可

元魏優禪尼國王子月婆首那譯

與上同本先出舊人不察收入密部

月燈三昧經

十一卷北

一名大方等

女

高齊烏菟國沙門那連提黎耶舍譯

佛在靈山月光童子問法佛答一法速得菩提謂

於眾生起平等心救護心無礙心無毒心證得諸

法體性平等無戲論三昧從彼三昧成就二十一

種十法得種種美名說已大眾獲益次說三昧四十義次說古聲德佛事次明於此三昧最初所行以大悲心爲首次明應知入三忍法次說古無所有起佛事於是月光請佛及僧佛詣其家受供養已月光默念作偈問法佛告以一法相應速成菩提謂如實了知一切法體性離相無相次明應修習顯示三昧智月光偈讚佛德佛亦偈答授記乃還靈山童子隨來更問法要佛言成就四法能速得此三昧若如說行得四功德應善巧知於不思議佛法應諮請應深信應求應聞而不怖次加持

乾闥樂音宣此不思議法次明應知色身及以法身次明七十四種四不可思議次明應成善巧方便所謂隨喜他善次明應住不放逸行次明六度多聞法施住空宴坐空閒乞食各得十利亦得見佛藏得聞法藏得智藏得三世智慧藏謂得五通次明應修神通本業謂攝一切善法而不取著次又明古聲德佛時事次明欲求三昧應修法施財施四種迴向而迴向之應奉事持戒持三昧人乃至以身分血肉除其病患因說往昔血肉供法師事次有阿難問苦行事佛說古善華月法師因緣

已上皆屬初品。元無初品之名。懺悔品第二。明古勇健得王。瞋

心殺善華月法師。後極悔過。猶墮三塗。從三塗出。

今成世尊。校量功德品第三。讚歎品第四。彌

勒說偈。本因品第五。先偈說古眾自在佛事。次

勸修身戒。清淨身業。清淨身行。口戒。意戒。各具一

切佛功德法。次釋初品中美名。凡三百句。是為大

方等大集。一切諸佛說月燈正行。一切諸法體性

平等無戲論三昧。

月燈三昧經卷半慕

劉宋沙門釋先公譯

卽上經中六度等各十功德

占察善惡業報經

卷二 出六根 南詩 聚經中 北景

隋外國沙門菩提登譯

婆伽婆住耆闍崛山。示廣博嚴淨無礙道場。說甚

深根聚法門。堅淨信菩薩。為末世眾生請問方便。

佛令轉問地藏菩薩。地藏為示三種輪相。占察三

世善惡業報。兼示懺悔之法。次示一實境界。二種

觀道。及示善巧說法。安慰怯弱。離相違過。此誠末

世救病神丹。不可不急流通。僭述玄疏。及行法。以

公同志。

佛說佛名經十二卷 已長

元魏北天竺沙門菩提留支譯

佛在祇園無問自說共計佛菩薩及辟支佛名一

萬一千九十三尊

佛說五千五百佛名神呪除障滅罪經八卷北作五卷

南信北長

隋北天竺沙門闍那崛多共笈多譯

共四千七百零四佛及多神呪

三劫三千諸佛名經三卷亦名集諸佛大功德山 長

開元拾遺附梁錄

先五十三佛次莊嚴劫賢劫星宿劫各千佛

千佛因緣經一卷 維

姚秦天竺沙門鳩摩羅什譯

佛在耆闍崛山與五千比丘八萬四千菩薩俱是

諸菩薩各各自說過去因緣聲徧大千天龍八部

皆悉集會世尊從石室出入大眾中跋陀波羅菩

薩敷座諸菩薩等瓔珞供佛請問千佛過去因緣

佛為說種種往因經來未盡

賢劫經十卷亦名毘陀劫三昧經晉曰賢劫定意 恃

西晉月支國沙門竺法護譯

問三昧品第一。喜王菩薩請問。佛答以了諸法本
 三昧成就二千一百諸度無極事。致八萬四千諸
 三昧門。諸總持門。行品第二。四事品第三。明
 行四種四事。得此三昧。法師品第四。法供養
 品第五。諸度無極品第六。喜王與佛從三昧起。
 更請問法。佛乃唱二千一百度無極名。習行品
 第七。無際品第八。聞持品第九。神通品第
 十。三十二相品第十一。順時品第十二。三
 十七品第十三。寂度品第十四。十種力品第
 十五。四無所畏品第十六。十八不共法品第

十七。方便品第十八。八等品第十九。已上共
 十三品。皆細釋諸度無極。各有六事。千佛名號
 品第二十。千佛興立品第二十一。明國土光明
 父母子侍弟子壽命法住各各不同。千佛發意
 品第二十二。明最初發心因緣。歎古品第二十
 三。囑累品第二十四。

稱揚諸佛功德經

卷三

亦名集諸佛華

南罔北靡

元魏西域沙門吉迦夜共曇曜譯

佛在靈山。為舍利弗及彌勒迦葉。說諸佛名號功
 德。東五十三。南三十八。西三。北六。上二十七。與百

七十佛名略同。

百佛名經 六紙 南忘 北信

隋烏菴國沙門那連提黎耶舍譯

舍利弗問佛唱百名勅令夜三晝三各誦一遍。

佛說大乘大方廣佛冠經 上下合卷 南松 北清

宋中印土沙門法護等譯

佛在鷲峰告大迦葉 東方定手最上吉祥如來

離塵步菩薩 蓮華最上吉祥如來 蓮華手菩薩

日輪光明最勝吉祥如來 日光明菩薩 一寶

蓋最上如來 定最上吉祥如來 寶輪光明高

勝吉祥王如來 南方無邊步跡如來 無邊香

最上王如來 寶上如來 西方大光明照如來

北方寶開花普耀吉祥如來 東方寶藏如來

寶勝如來

佛說十吉祥經 一紙 南賢 北信

開元附秦錄

佛為離垢蓋大士說東方十佛名號功德。

佛說八佛名號經 三紙 南才 北知

隋北天竺沙門闍那崛多譯

因舍利弗問為說東方八佛名號聞者得不退菩

提善說稱功德如來。因陀羅相幢星王如來。普光明功德莊嚴如來。善鬪戰難降伏超越如來。普功德明莊嚴如來。無礙藥樹功德稱如來。步寶蓮華如來。寶華善住娑羅王如來。

佛說八吉祥神呪經二紙南效

吳月支國優婆塞支謙譯

佛說八陽神呪經二紙南才

西晉月支國沙門竺法護譯

佛說八吉祥經二紙南才

蕭梁扶南國沙門僧伽婆羅譯

三經並與前同本。梁譯缺舍利弗問。

佛說八部佛名經二紙南賢

元魏中天竺婆羅門瞿曇般若流支譯

佛為善作長者說東方八佛名功德。

佛說滅十方冥經六紙維

西晉月支國沙門竺法護譯

佛教面善悅童子念十方佛名以除恐懼。

受持七佛名號所生功德經四紙維

唐大慈恩寺沙門釋玄奘譯

為舍利弗說東方五佛南方二佛名號。

大乘寶月童子問法經

四南盡
紙北則

宋北印土沙門施護譯

佛在鷲峰頻婆娑羅玉子請問佛號功德佛以十方各一佛名答之并出夙願功德

佛說寶網經

卷一
南忘北彼

西晉月支國沙門竺法護譯

佛遊獼猴江邊與六萬比丘三十億菩薩九十億諸天九十九億龍王及阿須倫王民眾俱維耶離城寶網童子年始八歲夢兜率天人頌歎佛德啟白父母見佛設供請問法要佛為稱說六佛功德

東方寶光月殿妙尊音王佛南方樹根華王佛西方造王神通燄華佛北方月殿清淨佛下方善寂月音王佛上方無數精進願首佛

佛說不思議功德諸佛所護念經

卷二
出眾南長
經北信

南云闍那崛多譯北云曹魏錄失譯人名

共有千一百二十佛名

藥師瑠璃光七佛本願功德經

卷二
惟

唐大薦福寺沙門釋義淨譯

善名稱吉祥王佛八願 寶月智嚴光音自在王佛八願 金色寶光妙行成就佛四願 無憂最

勝吉祥佛四願 法海雷音佛四願 法海勝慧
遊戲神通佛四願 藥師瑠璃光佛十二願 金
色寶光妙行成就佛。有大力神呪。藥師瑠璃光佛。
有大陀羅尼呪。又因少智諸天。心生疑念。七佛同
來此土。說大神呪。復有執金剛菩薩。說二神呪。餘
與流通本大同。理應流通此本。然亦不列八菩薩
名。

○佛說藥師如來本願經

卷一

前有
序文

惟

隋南天竺沙門達摩笈多譯

與灌頂第十二經同。而無神呪及八菩薩名。

○藥師瑠璃光如來本願功德經

卷一

惟

唐大慈恩寺沙門釋玄奘譯

此即流通本也。然亦無神呪及八菩薩名。今之
八菩薩名。乃後人依灌頂第十二經添入。今之
神呪。乃後人依七佛本願經添入。

觀佛三昧海經

卷十

量

東晉迦維羅衛國沙門佛陀跋陀羅譯

六譬品第一。佛住尼拘樓陀精舍。僧自恣竟。父王
闍頭檀姨母。憍曇彌。欲來見佛。佛令徧集比丘。菩
薩及天龍八部等眾。父王為後世眾生。請問云何

觀佛身色相好光明。佛入徧淨色身三昧。微笑放光。說師子在胎喻。栴檀生伊蘭林中喻。金翅鳥王心喻。多勒果喻。波利質多羅樹喻。阿脩羅幻力喻。皆喻念佛三昧。序觀地品第二。言眾生樂觀佛相。各有不同。或順或逆等。觀相品第三。一明觀如來頂。二明觀如來髮。三明觀髮際。四明觀白毫相。從初生乃至成佛。敘事最詳。五明觀額廣平正。六明觀眉。七明觀眼睫。八明觀耳。九明觀方頰車。十明觀師子欠。十一觀鼻。十二觀髭。十三觀唇。十四觀廣長舌。十五觀頸相。缺瓮骨滿相。胸臆卍字。

印相。十六悉現具足身相。大眾所見。各各不同。其見如炭如墨等者。由昔惡業。各各殷重懺悔。乃見好相。十七明觀放常光相。十八明觀眉間光明。十九復明額廣平正。面上三輪髮際等相。二十復觀鼻出光明。二十一復觀面門光明。二十二復觀耳出五光。二十三復觀頸出二光。二十四復觀缺骨滿相光明。二十五復觀胸卍字相。腋下摩尼珠。皆放光明。二十六觀寶臂指縷掌輪。各放光明。二十七觀齋相。光照十方。二十八因父王請。現心內境。觀佛心品第四。具明大悲心。專緣地獄等罪。

苦眾生。并廣敘地獄苦事。觀四無量品第五。使大眾見佛心中。有無數佛。乘大寶船。往來五道。救苦眾生。大慈大悲。大喜大捨。觀四威儀品第六。行佛。住佛。坐佛。臥佛也。於中具明度老婢事。上忉利天爲母說法事。伏曠野鬼將事。降毒龍事。降力士事。觀馬王藏品第七。明宮中爲諸女所現相。舍衛國度姪女所現相。波羅奈國度姪女所現相。伽耶城爲尼犍所現相。本行品第八。先明念佛三昧。能滅大罪。次文殊菩薩十方十佛。四方四佛。財首菩薩。釋迦如來。阿難尊者。各言本修念佛三

昧。觀像品第九。彌勒爲末世眾生請問。佛爲廣說觀像除罪方法。念七佛品第十。念十方佛品第十一。密行品第十二。言得三昧者。當密身口意。莫起邪命。莫生貢高。次復說種種喻。以喻念佛三昧。結名受持。阿難復問。無見頂相。佛入頂三昧海。現大勝相。眾倍獲益。

佛說彌勒成佛經

卷一

頁

姚秦天竺沙門鳩摩羅什譯

佛經行波沙山頂。說偈集眾。舍利弗請問彌勒菩薩成佛時事。佛爲說其國土時節種族出家。成道。

轉法輪度人。見迦葉乃至法住等事。

佛說觀彌勒菩薩下生經六紙半 貞

西晉月支國沙門竺法護譯

佛在祇園因阿難請為說彌勒下生成佛之事。

與前經大同小異。

佛說彌勒來時經二紙餘 貞

附東晉第四譯

佛說彌勒下生經六紙餘 貞
一名彌勒當來成佛

姚秦天竺沙門鳩摩羅什第三譯

佛說彌勒下生成佛經五紙 貞

唐大薦福寺沙門釋義淨第六譯

舍利子以偈問佛以偈答。三經皆與前同

佛說觀彌勒菩薩上生兜率陀天經一卷 貞

劉宋居士沮渠京聲譯

佛在祇園放金色身光并現化佛唱千佛始末名。

大眾雲集佛出舌相放千光明現無量化佛說諸

陀羅尼法彌勒菩薩聞已得百萬億陀羅尼門起

住佛前優波離請問此人命終生於何處佛為說

兜率天中莊嚴之事作此觀者皆得往生彼天隨

侍下生得菩提記。

佛說一切智光明仙人慈心因緣不食肉經一紙

南賢北信

大乘單本失譯人名

佛住寂滅道場。彌勒來見。梵志問其往因。佛言。過去有彌勒佛。說慈三昧光大悲海雲經。一切智光明婆羅門。聞經發心。入山修行。絕糧七日。白兔母子捨身供之。仙人不食。仙即今之彌勒。白兔母子。即今釋迦及羅睺羅。

佛說師子月佛本生經六紙半 南賢北信

新附三秦錄

佛住竹園。有婆須蜜多比丘。緣樹上下。與八萬四千金色獼猴跳戲。大眾譏嫌。頻婆娑羅大王詣佛問之。佛言。比丘即是師子月佛。補彌勒處。并說獼猴往因。授菩提記。

文殊師利般涅槃經四紙 欠 維

西晉清信士聶道真譯

佛在祇園。於後夜分。入定放光。照文殊房。作諸化現。阿難集眾。跋陀婆羅問其始末。佛為略說觀文殊法。及說示滅起塔種種佛事。

佛說觀藥王藥上二菩薩經一卷 南得北知

劉宋西域沙門曇良耶舍譯

佛在青蓮華池精舍。與千二百五十比丘。一萬菩薩。及十億十方菩薩。五百離車子俱。佛入普光三昧。身毛放光。化七寶蓋。現十方事。又放眼光。照藥王藥上二菩薩頂。住其頂上。如金剛山。十方諸佛。皆悉映現。長者子寶積。請問觀法。佛言。具五因緣。方得聞此二菩薩名。二菩薩遂各說呪。復以瓔珞供佛。住佛肩上。如須彌山。山有梵宮。十方十佛。坐宮中華。讚二菩薩所說神呪。佛即授二菩薩記。次說觀法。說五十三佛名。次為阿難說二菩薩往昔

因緣。

地藏菩薩本願經

二卷流通
本作三卷

南思
北斯

唐于闐國沙門實叉難陀譯

忉利天宮神通品第一。佛在忉利天。為母說法。十方諸佛菩薩集會讚歎。如來含笑。放光明雲。出微妙音。十方天龍鬼神亦皆集會。佛為文殊菩薩說地藏菩薩往因。分身集會品第二。十方地獄處分身地藏菩薩。與諸受化眾生。來見世尊。世尊摩頂付囑。觀眾生業緣品第三。摩耶夫人問業報所感惡趣。地藏略答五無間事。閻浮眾生業感

品第四。定自在王菩薩更問。往因。佛又略說二事。四天王請問菩薩大願方便。佛述其所說報應之法。地獄名號品第五。普賢菩薩問地藏菩薩答。如來讚歎品第六。佛放身光。出大音聲。讚歎地藏菩薩。普廣菩薩請問利益。佛為廣說。利益存亡品第七。地藏菩薩白佛。普勸眾生斷惡修善。大辨長者請問薦亡功德。地藏為說七分獲一。閻羅王眾讚歎品第八。鬼王與閻羅天子承佛菩薩神力。俱詣忉利。請問眾生不依善道之故。佛以如迷路。人喻之。次有惡毒鬼王。主命鬼王。各發善願。

佛讚印之。并授主命道記。稱佛名號品第九。地藏菩薩為利眾生。演說過去諸佛名號功德。校量布施功德緣品第十。地藏請問佛分別答。地神護法品第十一。堅牢地神。明供像十利。見聞利益品第十二。佛放頂光。妙音稱讚地藏菩薩。觀世音菩薩請問不思議事。佛分別答。囑累人天品第十三。佛又摩地藏頂。以諸眾生付囑令度。次為虛空藏菩薩。說見像聞經二十八益。又說七益。佛說師子莊嚴王菩薩請問經

三紙餘

有宣律師序

南賢北景

唐中印土沙門那提譯

佛在耆闍崛山有師子莊嚴王菩薩請問大會莊嚴之因佛言昔作方曼荼羅供八菩薩所致謂觀世音菩薩彌勒菩薩虛空藏菩薩普賢菩薩執金剛主菩薩文殊師利菩薩止諸障菩薩地藏菩薩佛說八大菩薩經一紙

南思

北斯

宋中印土沙門法賢譯

佛在祇園與千二百五十苾芻及八大菩薩俱謂妙吉祥菩薩聖觀自在菩薩慈氏菩薩虛空藏菩薩普賢菩薩金剛手菩薩除蓋障菩薩地藏菩薩

又有無能勝等諸大菩薩皆來會坐佛為舍利弗說東方五佛名善精進吉祥如來普照如來

吉祥如來印捺囉計都特囉惹王如來喜

功德光自在王如來

六菩薩名亦當誦持經

一紙

南籍北既

後漢失譯人名見費長房錄

師子戲菩薩師子奮迅菩薩師子幡菩薩師子作菩薩堅勇精進菩薩擊金剛慧菩薩又四菩薩棄陰蓋菩薩寂根菩薩慧威菩薩不離菩薩

離垢慧菩薩所問禮佛法經

四紙

前有宣律師序

維



70063149

唐中印土沙門那提譯

佛在給孤獨園。與五百比丘。無央數菩薩。及人天八部俱。離垢慧請問。於如來所。云何恭敬禮拜供養佛。先示五輪著地。應發五願。次示十方佛名。次示皈依懺悔。勸請。隨喜迴向發願之法。

閱藏知津卷第五

